

LEGATO LA BJALE

LA BODIREDI BJA KA

¶ . . . go beng go lapa le go kgathala. Gomme re bile le kopanelo ye ntši kudu go bapa tseleng, dikopano tša go makatša, ka go dumediša Bakriste go tloga lefelong go ya lefelong, go tšwa godimo, go theoga Lebopo la Bohlabela, gomme gape le godimo Lebopong la Bodikela go ya ka Canada. Gomme ka tirišano ye kaone magareng ga dikerekemaina tšohle tša go fapana, ya Assemblies of God, le United Pentecostal, Church of God, Foursquare, le ye mentši ya mekgatlo ye mengwe yeo e bego e dirišana, go ba le dikopano tše kgolo. Katlego ye kgolo, bokgole bjo e ka bitšwago katlego lehono, gomme mohlomongwe ba bantši ba tla e bitša “ye kgolo.” Eupša, ka bonna, ke nna mo—mo—mo motsološi. Gomme tsošeletšo, go bolela ka bosetšhaba, e no ba kgaušwi le go fela. Gomme re . . . ke rata go bona tsošeletšo moo dipelo di tukago, e sego go oketša maloko, eupša tsošeletšo. Morena wa rena o dirile mehlolo ye mentši ya go fodiša batho, gomme, ka nnete, ba bantši ba pholosítšwe. Gomme bjale ke gae, go khutša lebakana le lennyane, le go ya morago ka tirelong mo dibekeng di se kae, Morena ge a rata.

² Gomme bjale se ke go batho ba bantši le bagwera ba ka go dikologa lefase. Ke duma go bolela bošegong bjo, fa ka tabarenekeleng . . . Ge lena, e ka ba ofe wa lena a bego a le gona gomme a kgonne go bona, ka kgonthe ba ruthetše ka tabarenekeleng bošegong bjo. Batho ba pakelane ka gare le gohle tikologong, ka gare ba eme, le ka ntłe ka dikoloing tša bona le dilo, gomme go fiša kudu, gomme go tla ba boima go batho le go nnamong gape.

³ Eupša ke tlie go lefelo le leo ke nyakago go hlaloša legato la nako re phelago ka go lona go ya ka bodiredi bjoo Morena a mphilego. Gomme ke be ke nyaka go e gatisa go tšwa tabarenekeleng. E tlie pelong ya ka seruthwana sa go feta, eupša ke letile go fihla ke fihlile morago fa gore ke kgone go hwetša kga—kga kgatišo ya yona, go e romela go lena batho ba lefase.

⁴ E bile e ka ba mengwaga ye masometharo pedi ya go feta, gore ge Morena Jesu, ka gare ga dijarata tše lekgolo le masometlhano tša moo ke lego gona bjale go emeng bjale, fa ka Jeffersontown ka Eighth and Penn Street, mosong ge ke beile letlapasekhutlo mo tabarenekeleng ye, go no beng nako yeo feela serorobje. Gomme ke be ke dula feela go kgabaganya tsela go la nngele la ka mo. E bile pele ke nyala. Ke be ke phela le tate wa ka le mme. Gore Morena Jesu o ntsošitše mosong woo letlapa la sekhetlo le bego le tla bewa, e ka ba ka leselaphutiana, e ka ba ka

iri ya boselela. Gomme ke be ke robetše malaong lebaka la nako ye nngwe, ka pelo ya ka e tletše thabo, go naganeng ka nako ye kgolo ye yeo Morena Modimo a bego a eya go mpha tabarenekele go rera ka go yona. Ke be ke sa no ba mošemane yo moswa nako yeo. Gomme letšatši leo ke... mosetsana yo ke bego ke eya le yena, yo ka pela a bego a tla ba mosadimogatša wa ka ngwaga wo o latelago, o be e swanetše go ba le rena letšatši le re bego re swanetše go bea letlapasekhetlo.

⁵ Gomme ke elelwa mosong wola ge ke be ke tsogile, gomme ke letše ka kamoreng, ka lebatong la ka godimo thwi fa ka Seventh Street. Se sengwe se rile, "Phagama ka maoto a gago." Gomme ke emeletše. Gomme ke bone, bjalo ka ge go bile, lefelo le legolo, gomme le be le swana le—le—le lefelo moo ba tla... noka e kitimela moeding. Gomme ke ile tlase kua nokeng gomme ka kwešiša gore e be e le lefelo moo Johane Mokolobetsi a bego a kolobetsa batho, gomme ba be ba le fetositše lefelo la kolobe. Gomme ke be ke le swaswalatša kudu, go no bolela gore e se ke ya dirwa.

⁶ Gomme ge ke be ke sa le fao, fao go be go se—se Segalontšu sa bolela le nna gomme sa ntšea, gomme ke hlokometše tabarenekele ye feela ka go seemo e lego gonabjale. Eupša go be go le batho ba bantši kudu go fihla ba nno pakelana bohole ka gare, ka tabarenekeleng, ka seemong se, ka ga seemo se e lego bjale. Gomme ke—ke be ke thabile, ke eme ka morago ga phuluphithi, ke re, "Modimo, O lokile bjang go mpha tabarenekele."

⁷ Gomme, ka nako yeo, Morongwa wa Morena o boletše le nna, gomme o rile, "Eupša ye ga se tabarenekele ya gago."

Gomme ke rile, "Gona, Morena, tabarenekele ya ka e kae?"

⁸ Gomme O ntšeetše godimo ka Moyeng gape, le go mpea fase ka mogoleng. Gomme tlasetlase ga mogola o be o no ba meraladi ya mehlare e dutše feela go lekelelana, e ka ba dikgato tše masomepedi botelele, goba masometharo. Gomme e be e lebega bjalo ka mehlare ya dikenya, gomme e be e le ka go dipakete tše kgolo tše tala.

⁹ Gomme ka gona ke hlokometše go seatla sa ka se setona le go seatla sa ka sa nngele, go be go na le pakete e se nago selo ka lehlakoreng le lengwe le le lengwe, gomme ke rile, "Go reng ka tše?"

¹⁰ Gomme O rile, "O swanetše go bjala ka go tšona." Kafao ke gogile lekala go tloga mohlareng go ya go la ka le letona gomme ka le bea ka paketeng ka lehlakoreng le letona, le lekala go tšwa seatleng sa nngele gomme ka le bea ka paketeng ka lehlakoreng la nngele. Ka pela e goletše tsela yohle go ya lefaufaung.

¹¹ Gomme O rile, "Ntšetša diatla tša gago ntle gomme o kgobokele kenywa ya yona." Gomme ka seatleng se setee go wetše apola ye kgolo ye serowlana, e thupetše le go butšwa.

Gomme ka seatleng se sengwe go wetše pholamo ye kgolo ye serolwana, e thupetše le go butšwa. Gomme o rile, “Eja dikenywa tše, gobane go a kgahliša.” Gomme ke jele go tšwa go e tee le go tšwa go ye nngwe, di bose kudu. Le tseba pono, e ngwadilwe ka go ye tee ya dipuku, ke a nagana, *Kanegelo ya Bophelo*, goba *Moprefeta O Etela Afrika*.

¹² Gomme feelsa nako yeo ke swaretše diatla tša ka godimo, gomme ke be ke goelela letago la Modimo. Gomme ka pelapela, Pilara yela ya Mollo e theogetše tlase godimo ga mehlare yela, le modumo le magadima a bekenya, gomme diphefo di tšutla thata ka kgonthe, gomme matlakala a thoma go foka go tšwa mehlareng. Gomme ke lebeletše tlasetlase, fa go eme sebopego sa tabarenekele ye, ka tsela ye e dutšego bjale. Gomme mafelelong moo phuluphithi e bego e tla ba, go be go le mehlare ye meraro, gomme mehlare yela ye meraro e be e tsea sebopego sa difapano tše tharo. Gomme ke lemogile gore bobedi dipholamo le diapola di be di kgobokane ka go dihlophana go dikologa sefapano sa gare. Gomme ke kitimile ka lebelo ka kgonthe, ke goeletša bogodimo bja segalontšu sa ka, gomme ka wela fase godimo ga sefapano se, goba hleng le sefapano, gomme ka fošetša matsogo a ka go se dikologa. Gomme diphefo tša thoma go šikinyega, le—le kenywa go tšwa sefapanong, gomme ya wela gohlegohle godimo ga ka. Gomme ke be ke thabile kudu, ke nno hlalala. Gomme O rile, “Eja kenywa ya yona, gobane e a kgahliša.”

¹³ Gomme gona go dikologa mo ga Mollo go goeleditše, go rile, “Puno e budule, gomme bašomi ga ba nene.” Gomme O rile, “Bjale, ge o hlapologetše, goba go tšwa go ye, bala Timotheo wa Bobedi 4. Timotheo wa Bobedi 4.” Gomme nako yeo ke hlapologetše. Gomme ke eme fale ke pikitla sefahlego sa ka le diatla tša ka. Gomme feelsa nako yeo, mo khoneng ya kamora, letšatši le phadima godimo, gona ke swanetše go ba ke bile ka tlase ga pono lebaka la iri ye nngwe goba bontši, gomme E rile, “Timotheo wa Bobedi 4.” Gomme ke obeleditše ka pela bakeng sa Beibele ya ka, le go bala Timotheo wa Bobedi 4.

¹⁴ Bjale, ke rata go bala yeo bjale. Gomme go se tlwaelege boka go bogega eke, ge ke bala Timotheo wa Bobedi 4 ye, lefelo leo ke emego, gomme makga a mantši ao ke rerilego ka yeo mo ka tabarenekeleng ye, go bonala go se tlwaelege gore ka mehla ke tla ema godimo ga yeo. Bjale ka go Timotheo wa Bobedi 4, ditemana tše tlhano tša mathomo. E lego, *tlhano* ke nomoro ya “mogau.” Ke bala se.

Ke a go laela... pele ga Modimo, le Morena Jesu Kriste, yo a tla ahlolago ba ba phelago le bahu mo go bonagaleng ga gagwe le mmuso wa gagwe;

Rera lentšu; ema senna ka sehla, le ge e se sehla; sola, kgala, homotsa ka pelofalo yohle le thuto.

Ka gore nako e tla tla ge ba ka se kwe thuto ya kgonthe; eupša ka dikganyogo tša bona beng ba tla kgoboketša...ba tla ikgobokeletša go bonabeng barutiši, ba na le ditsebe tša go hlohlona;

Gomme ba tla retollela ditsebe tša bona kgole go tloga go therešo, gomme ba tla fetolelwa ka go dinonwane.

Eupša wena šetša ka go dilo tšohle, kgotlelala ditlaišego, gomme dira mošomo wa moebangedi, gomme o dire netefatšo ya botlalo ya bodiredi bja gago.

¹⁵ A le kile la hlokomela, gomme ga se ka ke ka e hlokomela go fihla Mei ye ya go feta, Ga se ka tsoge ka bala le lengwe gape la Lengwalo lela go fihla kua? Seo ke sohle nkilego ka se bala ka yona ka baka la gore go be go bonagala o ka re e—e lekanetše, ka gobane go be go mpotsa go rera Lentšu le go kgotlelala ditlaišego, le go pelofala, ka gore nako e be e etla ge ba ka se kgotlelala Thuto ya go kwala, eupša ka morago ga dikganyogo tša bona beng ba swanetše go kgoboketša barutiši, ba na le ditsebe tša go hlohlona, gomme ba tla retollwa go tloga Therešong go ya go dinonwane. Eupša, bjale, ga se nke A re ke be ke le moebangedi. O rile, “Dira mošomo wa moebangedi.” Paulo a botša Timotheo, le a bona. A le hlokometše ka fao e bolelag? Ga se nke a re, “Bjale, o bileditšwe go ba moebangedi.” E rile, “Dira mošomo wa moebangedi.” Le a bona? Bjale, re a hlokomela fao gona. Bjale, ge nka bolela ka pelo ya ka yohle le bokaonekaone bja tsebo ya ka, bjo bo phethagaditšwego go ya go letere. Feela tlwa. Gomme yeo ke mengwaga ye masometharo ya go feta.

¹⁶ Gomme bokgole bjo ke tsebago, gore pono ye nngwe le ye nngwe yeo A kilego a mpha e phethagaditšwe, ntle le ye tee ye ke lego phetogo ka bodireding bja ka, go fao ke swanetše go rapelela batho ka lefelong le lennyane bjalo ka kamora ye nnyane ka tlase ga tente, goba otithoriamo ye kgolo goba se sengwe. Go bonagetše, go nna, boka tente. Le elelwa seo, mengwaga ye mebedi goba ye meraro ya go feta? Bontšintš bja yona yohle bo tlišitšwe go phethega. Ke be ke swanetše go ya tlase ka Mexico, le ka fao e bego e tla na bošego bjoo le se se bego se tla direga tlase kua. Gomme O mpoditše bodiredi bja ka bja Kgogedi ya Pele. Le elelwa ka go swara hlapi ye nnyane nthatana, goba go e foša? Ya bobedi e be e le hlapi ye nnyane. Eupša nako yeo O mpoditše, “Go Kgogedi ya Boraro, o se šitwe. O a bona? Gomme o se botše batho.” Ka mehla ke leka go hhalosa se ke lekago go se dira. O ntirile ke tsebe go botša batho se le se dirago. Go no dira se A mpotšago go dira le go e tlogela e nnoši. Le a bona?

¹⁷ Eupša ke nna mohuta woo wa motho, ga ke na le diphiri, kafao ke no bolela se sengwe le se sengwe ke se tsebago. Kafao, yeo—yeo e no ba tswalo, ke a thank. Eupša seo, ke leka...Ke rata batho, gomme ke nyaka batho go phološwa gampe kudu go fihla ke leka go ba botša se sengwe le se sengwe ke se tsebago, ntle le ge e le se sengwe A mpoditše go se se bolele, ka nnete,

gore ba se se foše. Le a bona? Ke nyaka ba e bone kgauswi kudu gore go ka se be phošo ka go yona.

¹⁸ Bjale, seo se tla go phethega feela tlwa. Bjale elelwang, taelo e be e le, ge re ka ithuta yeo nakwana, “Ke a go laela pele ga Modimo, le Morena Jesu Kriste, Yo a tla ahlolago ba ba phelago le ba ba hwilego go bonagaleng ga Gagwe ka Mmušong wa Gagwe.” Le a bona? “Moahlodi... Go go laela pele ga Modimo, le Kriste, gore o—gore o rere Lentšu.” Gomme kafao nthuše, go fihla bošegong bjo, bokgole bjoo ke nago le tsebo ye itšego ya yona, ga se ka ke ka rera selo eupša Lentšu, le a bona, gomme ke dūtše thwi le Lona. E bile bothata bjo bontši, gomme ke ile go kgabola ditlaišego tše ntši le meleko ye mentši, ke ile ka swanela go arogana le bagwera ba bantši ba bohlokwa ka lebaka la setatamente seo, “Rera Lentšu.” Gomme ke—ke...

¹⁹ Le elelwak aponong, goba, phetolelo ye nnyane bjalo ka ge nka e bitša, kgauswana, moo ke tšerwego le go bona batho bale le go lebelela morago go nnamong le dimilione tšela tšohle fale. Gomme ke rile, “Ke nyaka go bona Jesu.”

Gomme O rile, “O godingwana.”

²⁰ Gabotse, le a bona, ge batho ba ehwa, ga—ga ba ye ka pela godimo le Modimo. Bjale, lena, ke na le nnete le tla kwešiša seo. Mohlomongwe ke swanetše go e hhalosa bokaone bjo nka kgonago. A le itlhaganetše gona? A re tšeeng nako ya rena gona gomme—gomme—gomme re leke go e dira feela ka go hlaka ka mo nka kgonago.

²¹ Bjale, ge re etla mmogo, re elelwak gore re phela mo ka dikgaong tše tharo. Gomme ga ke tsebe ge eba nka kgonago di bitsa goba aowa. Se tee sa tšona ke seetsa, gomme se sengwe ke mmetha. Tommy, o elelwak se sa boraro se lego? [Yo mongwe o bolela se sengwe—Mor.] Huh? [“Athomo.”] Athomo? [Yo mongwe gape o re, “Nako.”] Nako. Nneta. Bjale, seetsa, mmetha, le nako. Gomme dikwi tša rena tše tlhano di kgokagana le tšona dikgao. Go bona ga rena go kgokagana le seetsa, go kgoma ga rena go kgokagana le dimmetha, le go ya pele.

²² Bjale, eupša re swanetše go kgokagana ka saense, sekgao sa bone, bjalo ka ge go bile. Ka gobane go tla thwi go kgabola moago wo bjale go tla diswantšho, digalontšu tša seyalemoya, diswantšho mo thelebišeneng, tše di dikwi tša rena di sa kgokaganego le tše, eupša efela di ne tšhu—tšhu tšupu goba legakabje leo le topago maphotho ale a ethere gomme tša a bonagatša. Ka fao, le a bona, thwi ka moagong wo bjale ke ditiro tša batho di kgatlampanganago, ka moyeng, mantšu a kgatlampanganago. Di mo. Re a e tseba. Ke therešo ka go felela. Gomme selo se nnoši le se dirago, ba—ba e swara godimo.... Ga ke kwešiše dikgerekere tša—tša dilo tšela tše saense e di netefaditšego, eupša re a tseba gore se netefatša go rena fao go ne sekgao sa bone.

²³ Bjale, sekgao sa bohlano ke moo modiradibe, mosedumele o a hwa gomme o ya gona. Sekgao sa bohlano ke, mohuta wa, gabotse, sekgao sa go šiiša. Bjale monna yo . . .

Gomme ge Mokriste a ehwa, o ya ka sekgaong sa boselela.

Gomme Modimo o ka sekgaong sa bošupa.

²⁴ Bjale gona, le a bona, Mokriste ge a ehwa, o ya ka tlase ga aletara ya Modimo, thwi ka go Bogona bja Modimo, ka tlase ga aletara. Gomme o mo khutšong.

²⁵ Go e ripaganya, ge motho a ne sekatapowana, ga se a robala gohlegohle, ešita ga se a phafoga. O magareng ga go robala le go phafoga, gomme seo ke se se mo dirago a be le go šikinyega ga go šiiša le go goeletša, gobane ga se a robala, ga se a phafoga. Gomme go tšeа seo, go bontšha moo motho a yago ge a ehwa a se a sokologe. O phetše go fetša nako ya gagwe, o hwile lefaseng; gomme a ka se kgone go ya Bogoneng bja Modimo, gobane ga a swanelo go ya kua ntle le Madi. Gomme o swerwe. Gomme a ka se kgone go tla morago lefaseng, gobane nako ya gagwe e fedile mo lefaseng, gomme o swerwe gare, gomme o ka go sekatapowana. Le a bona? A ka se kgone go ya ka Bogoneng bja Modimo, go khutša. Gomme a ka se kgone morago, go tla lefaseng, gobane nako ya gagwe e fedile. O ka go sekatapowana, gomme šole o dula go fihla letšatši la kahlolo. Selo sa go šiiša go ba ka gare, le a bona.

²⁶ Gomme bjale ka ponong ye, ke a dumela ke swerwe go sekgaosela sa boselela, ke lebeletše morago tlase mo gomme ke kgona go bona morago. Le a bona, pono ga e tlwa le mahlo, ke ya lefase. Eupša go bona ke selo se segologolo go feta . . . Go bona ba nago le gona kua, go kgokagana ga bona go kgole go fetiša go kgokagana gofe goo dikwi tša rena tša tlhago go tla kgokaganago.

²⁷ Fa nako ye nngwe ya go feta ke be ke e hlaloša. Ke be ke lebeletše seswantšho sa thelebišene moo ba dumeletšego monna tlase, ke a nagana maele tše pedi goba maele botebo ka go lewatlekogo, gomme ba be ba na le dietša tša mahlasedi tše di ilego ntle. Ba be ba laetša bophelo bja lewatleng. Gomme fao go tla hlapi kgauswi, dibopiwa tšela tša go lebega go šiiša. Tšeо, ke bošegogare, boso bja nke tlase kua. Gomme di bile le foseforase mo nkong ya tšona gomme ga di ne le mahlo. Bjale, di swanetše go fepša, kafao go lebegile o ka re, go hwetša dijo tša tšona, di be di hlahlwa ke sekwi se sengwe; e sego go bona, gobane di be di se ne mahlo, di be di ka se kgone go a šomiša tlase fale. Eupša di be di hlahlwa ka sekwi se sengwe gore di kgone go kgokagana le dijo tša bona. Gomme ke naganne, “Ge nka ba le taolo ya hlapi yela ye nnyane ka pono ya ka, ke bontši gakaakang nka kgonago go fepa dijo tša gagwe le go mo hlahlela mafelong, ke bontši gakaakang pono ya ka e lego go feta ratara ya gagwe a kgokaganago.” Le a bona? Gomme ke naganne, “Ge nka no kgona go mo hlahlal!”

²⁸ Morago go tla go nna, “Ge nka no ineela nnamong go Modimo, ke mo gogolo gakaakang go bona le dikwi tša Modimo, Yo a kgonnego go re hlahla kudu go feta dilo tše di sa bonwego ka mahlo a ren.” Gona ge hlapi yela ye nnyane e ka se tsoge ya kgona go tla godimo ntlhoreng ya meetse boka hlapi ye nngwe, gobane o tladišwe moyo. O mo tliša godimo, o tla thunya. Go se go bontši go feta re ka yago godimo le go thiba go thunya. Re tladišwe moyo bakeng sa le—le lefelo leo re phelago.

²⁹ Eupša bjale ge hlapi yela ye nnyane e ka tsoge ya tla godimo fa le go ba nna, a e be e ka tsoge ya nyaka go ba hlapi yela ye nnyane gape tlase ka go boso bjola bja bošegogare? A ka se tsoge a nyaka go ba hlapi gape, gobane ke se sengwe bogolwane go feta hlapi, ke motho; dikwi tša gagwe ke tše kgolwane, kwešišo ya gagwe ke ye kgolwane, bohlale bja gagwe bo godimo. Gona atišang seo ka milione tše lesome, gona le hwetša se e lego sona ge le feta go tloga go se go ya ka Bogoneng bja Modimo mošola, moo motho a lego kgojana kudu go feta se re lego fa. O ka se tsoge wa nyaka go ba motho boka yo gape, tlase ka go ntlo ye ya dilomi ya bolwetši le tshenyego. E bile gore ka pelong ya ka, gore ke lekile mengwaga ye masometharo go rera Ebangedi go dikologa lefase, go botša batho gore go na le Legodimo go—go le rua gomme go na le hele go e tšhaba, gomme go na le Modimo yo a go ratago, le ma—ma maatla a go lopolla ao a robetšego komana go go topa ka nako e ka ba efe yeo o loketšego go e amogela.

³⁰ Go swana le monna a nwelela, thapo e lekeletše fao, o a nagana, “Gabotse, thapo, nka kgona go ikgogela ntle nnamong, eupša ga ke na maswanedi go hwetša thapo.” Thapo e beilwe fale bakeng sa wona morero, go wena go ikgogela ntle wenamong ka yona. Ke ka baka leo Jesu Kriste a hwilego, bakeng sa wona morero wa go phološa badiradibe. Gomme O ile a lekeletša thapo ya Bophelo bjo Bosafelego, bjo bjona bošego bjo bo tla fetago bokagodimo ga hlogo ya modiradibe yo mongwe le yo mongwe ka mo, le leswao la go amogela le lekeletše godimo ga yona, “Etla godimo ka ntle ga yona.” Ge—ge o—ge o rata go e dira, tokišetšo e dirilwe.

³¹ Bjale, ge ke bone lefelo lela le seemo sela seo batho bale ba bego ba le ka go sona, le ka fao go feta e ka ba eng yeo lefase le le ka tsogego la nagana ka yona, e be e le letago. Go be go ka se kgone go ba sebe fao, go se lehu le ge e le selo se bego se ka kgona go tsena lefelong leo. Gomme go be go se phapano magareng ga monna le basadi, feela di—di dithatana tša thobalano di be di tlogile go bona, gomme go ka se tsoge gwa ba bootswa gape, ga go sa le selo. Eupša o be a sa le mosadi ka tsela ya go nagantšhiša, gomme monna o be a sa nagantšhiša, gomme ba tla ba ka tsela yeo go ya go ile. Gobane ge Modimo . . .

³² Bjale se se ka no ba gabotse, ba bangwe ba lena digitlane tša sekolo sa go phagama seo se dirago dilo tše go rutwa ka go lena

fa ka ebolušene. Bjale, ke dumela go ebolušene, eupša e sego ka tsela ye motho a fetogilego go tšwa—go tšwa go mohuta tsoko wa fasana. Teori ya bona beng morago godimo ga bona ge ba leka go tswaka e ka ba eng, e ka se itšweletše yonamong morago. Kafao, le a bona, e—e thunyeditše morago go bona.

³³ Bjale, ke dumela gore ge Modimo a thoma go hlapisa lefase, mohlomongwe selo sa pele A se dirilego go tla pele ka sona e be e le hlapisehlokamarapo, gomme go tloga fao go ya go segwagwa, le go ya godimo. Eupša, le a bona, e tlile kgafetšakgafetša kgauswana le kgauswana go seswantšho sa motho, gomme motho o be a le ponagatšo ya Modimo. Gomme ke ka baka leo bjang bjola bo dirilwego ebolušene, mohlomongwe bjang, gomme ka gona go tšwa go bjang go tla matšoba, go tšwa go matšoba go tla mehlašana, go tšwa go mehlašana go tla mohlare. Gobaneng? Ke seswantšho sa Mohlare wa Bophelo o eme ka lehlakoreng le lengwe. Gomme se sengwe le se sengwe ka lehlakoreng le seo e lego sa tlhago ke moriti wa sa Kagodimogathago goba sa Gosafelego ka go lehlakore le lengwe. Kagona, ge feela go na le Mokriste wa go tswalwa gape mo lefaseng, gomme re na le mmele fa go swana le wo, ke ponagatšo ya wo motee wo o letetšego ka lehlakoreng le lengwe mo go sego lehu le manyami. Gomme seo ke se se dirago dipelo tša rena go swarwa ke tlala bakeng sa se se bjalo ka sela. Le a bona, go na le se sengwe ka go rena seo se biletšago ntle. Re no... Go na le se sengwe seo se re botšago gore se gona. Ke a dumela go kgabola mengwaga ye... Ke kgopela tshwarelo pele ga Modimo le batho, ka go ba setlaela le go beng... go dira diphosho tše ntši. Eupša go kgabola mengwaga ye mentši ye ke bile le monyetla go bona dimilione tše dintši tša batho ba etla ka Mmušong wa Modimo, gomme ke lebogile go Morena go ntumelela go ba hlahlela kua. Gomme ke a dumela ba tla ba fao ka letšatši leo.

³⁴ Bjale, pono e be e phethagaditše. Gomme ka fao ke ilego ka tla go tsoge ka ema, ke sa tsebe, go temana yela ya 5. Seo ke sohle nkilego ka se bala. Eupša go ne tše dingwe gape go tema yeo, ditemana tše mmalwa gape. Bjale, le ka no, ka kamoreng ya lena ya hotele goba gae bosegong bjo, ka pela ge re phatlalala, go bala ka moka ga yeo, gobane ke ne Mangwalo a mmalwa a ngwadilwe fa ao ke nyakago go lebelela go ona, le dinoutse tšeо ke nyakago go bolela ka tšona. Gomme ke nyaka le e bale ge le eya gae. Ke tla e tsopola, e tla ba godimo ga theipi. Le nyaka go maraka tše dingwe tša yona, gobaneng, go tla loka.

³⁵ Bjale, a le dumela gore banna le basadi, ba ke tsebago le a dira, ba hlahlwa ke Moya wa Modimo go dira dilo? Le a bona? Gomme Jesu o be a le phethene ya rena. Ge le ka e hlokomela, ke nyaka go phetla, lena phetlang le nna, go Mokgethwa Luka, tema ya 4, motsotsa feela. Gomme ke nyaka go le laetša se sengwe sa go ratha. Gomme feela gore re se fihle go bontši kudu bja ditšhupetšo tše, eupša gore le tle le kgone go bala le nna

mo, bakeng sa e tee ye, feela dinakwana di se kae. Mokgethwa Luka, tema ya 4 gomme temana ya 14, re a thoma. Bjale šetšang sekgauswi ka kgonthe mo ge le nyaka go bona se sengwe se direga, go bapela fa. Bjale hlokomelang.

Gomme Jesu o boile ka maatla a Moya go ya Galelia:... O boile ka maatleng a Moya go ya Galelia: gomme tumo ya gagwe e ile ntle go kgabaganya diletše tsohle tikologong go rarela.

Gomme o rutile ka disinagogeng tša bona, a tagafaditšwe ke bohle.

Gomme o tlile Natsaretha, mo a goletšego gona: gomme, bjalo ka setlwaedi sa gagwe, o ile ka sinagogeng mo letšatšing la sabatha, gomme o emeletše go bala.

Gomme o ile a fiwa puku ya moprofeta Jesaya. Gomme ge a butše puku, o hweditše lefelo moo go ngwadilwego, go be go ngwadilwe,

Moya wa Morena o godimo ga ka, gobane o ntloditše go rera ebangedi go bahloki; gomme o nthometše go fodisa ba dipelo tše di robegilego, le go rera tokologo go mathopša, le go bušetša pono go difofu, le go lokolla, bona ba ba tlapirigantšwego.

Le go rera ngwaga wa kamogelego wa Morena wa rena.

Gomme o tswaletše puku,...

³⁶ Bjale, ge le nyaka, ge le nyaka tšhupetšo ya seo, ke na le yona mo, nakwana feela, ge mohlomongwe nka e topa go tšwa go palo ya mothalong fa. Ge le ka hlokomela, seo gape ke, le tla se hwetša godimo ka go Mareka le mafelo a go fapano, eupša ka go Jesaya 61:1 le 2. Bjale, a ga go makatše gore O eme thwi fale, gomme yona temana ya go latela... Sela ke se se bego se amana le go tla ga Gagwe la pele. Gomme ya bobedi, temana ya go latela, e amana le go Tla ga Gagwe la Bobedi, mo kahlolong. O eme le go tswalela puku. Ge e ka ba mang wa lena a bala Beibele ya Scofield, le tla hwetša tshwayo go yona fale. Le a bona? Šetšang tshwayo ya lena, mmaparaka go tshwayo, le a bona, gomme le tla lemoga fale. “Papetšo ka mo—mo molaetša o tsopotšwe, ka go Jesaya 61:1 le 2, e fihlelela mohlala wa...” Moo, Lengwalo mo, le rerago, Jesu o be a swanetše go rera ngwaga wa kamogelego wa Morena; gomme temana ya go latela e tla ntle le go Tla ga Gagwe le kahlolo. Le a bona? Gomme le bona ka fao A emego thwi go yeo.

³⁷ Gomme ga se nke ka lemoga seo bjang, le ka fao ka mehla ke emego go temana ye ya 5, “Ka gore nako e tla tla ge ba sa kwe Thuto ya go kwala, eupša ba tla ikgobokanya bonabeng le barutiši, ba na le ditsebe tša go hlohlona, gomme ba tla retollwa go tloga Therešong go ya go dinonwane. Eupša dira mošomo

wa moebangedi, dira netefatšo ya botlalo ya bodiredi bja gago.” Le a bona? Gomme ka thušo le mogau wa Modimo ke lekile go dira seo. Gomme ke nyaka bagwera ba ka, bobedi fa le ntile ka dinageng moo ditheipi di tla yago, lebaka leo ke tšerego go ema moo ke nago bakeng sa Lentšu, ke lona lebaka le: “Rera Lentšu.” Ke lebaka leo nka se bapele le dithutotumelo e ka ba dife, dikerekemaina e ka ba dife, ka gobane ke romilwe ke Modimo go dula le Lentšu. Bjale ge e ka ba mang gape a nyaka go dira e ka ba eng gape, seo se tšwa go bona.

³⁸ Gomme ge le ka hlokomela, ka ponong ye ke bilego nayo ya bo... . . . bodiredi bja ka, e be e le ga se nke ka tsoge ka fapakanya mehlare yela. Ga se nke ka tsoge ka sokolla. Ga se ke tsoge ka re, “Lena bohole mathrinitarian ebang maoneness” goba “lena bohole maoneness ebang mathrinitharian.” Ke bjetše ka go dibjana tša bona beng. Feela tlwa. Ke ile go mothrinitarian, ke ile go mooneness, ke ile go yo mongwe le yo mongwe, gomme ke dutše magareng gomme ga se nke ka tšoena e ka ba ofe wa bona; eupša ke dutše magareng, ke le ngwanešu, feela tlwa se pono yela e rilego dira. Gomme ke jele kenywa go tšwa mahlakoreng bobedi, phološo ka mahlakoreng a mabedi.

³⁹ Gomme bjale, a le hlokometše, go na le batho ba bantši ba mathrinitharian ba dutše mo, go na le maoneness a mantši, gomme go na ba bantši ba go fapano. Eupša o tla ba yo monnyane bjang go baka ka yona, gobane ge karolo yela ya pono e be e rereša, karolo ye nngwe ke therešo, le yona. Bobedi bja dikenywa di hweditšwe ka sefapanong. Le a bona? Bobedi bja tšona bo be bo le ka sefapanong, bohole ba tlemagane mmogo, gomme bobedi dipholamo le dipšere, goba diperekisi, dipholamo le diapola di netše godimo ga ka fale. Bobedi bja tšona. Tšohle di hweditšwe mo sefapanong, gobane tšohle di dumetše go Modimo gomme di tladišwe ka Moya wo Mokgethwa, le go ba le mediro ya Bokriste le maswao a latela.

⁴⁰ Bjale, kerekeleina e ka se be le selo go dira le yona. E tla ba ba go tswalwa gape bao ba tla bago le e ka ba eng go dira le yona. E tla ba boitemogelo bja gago le Modimo bjo bo tla swanelago go dira le bjona. Bjale, re bona bontši kudu bja seo. Ke na le Mangwalo a mmalwa mo ao ke nyakago go šupa go ona. Mohlomongwe ke tla morago gannyane.

⁴¹ Eupša bjale ke nyaka go le tsea go tloga go temana ya 5, go theoga go fihla go temana ya 18. Gomme bjale go boloka nako, nka—nka se e bale. Eupša bjale Paulo, a thoma godimo fa ka go Timotheo gape, ge le hlokomela ka fao a thomilego go bolela, ke dipšešamare. Bjale ge le ka hlokomela morago ga temana ya 5.

Ka gore bjale ke loketše go neelwa, gomme nako ya ka ya . . . go tloga e kgauswi.

Go lokišetša go tlogela lefelotiragalo. Go thomiša, le a bona, “Ke na le . . .” Gabotse, šetšang. “Nna . . .”

... Ke loketše, *gomme go tloga ga ka go kgauswi.*

Ke lwele ntwa ye botse, ke feditše tema ya ka, ke bolokile tumelo:

Go tloga bjale ke beetšwe mphaphahlogo wa toko, wo Morena, moahlodi wa go loka, a tla mphago ka letšatši leo: gomme e sego nna feela, eupša... bohole le bona ba ratago go bonagala ga gagwe.

⁴² Gomme ka gona o ya pele go botša, “Dira tšohle, dira dilo tše.” Eng? Gore yena a tliše jase. Bjale re thomiša thwi, gomme o re:

... *Demase o ntlogetše,...*

⁴³ Go swanetše go tla nako ka bodireding bja gagwe ge a be a le moebangedi yo moswa, moprofeta yo moswa, yo mongwe le yo mongwe o be a le wa gagwe. Eupša bjale le a lemoga go theoga ka fa, o rile:

... *batho bohole ba tlogetše nna:... (Bakeng sa eng Lentšu.)*

⁴⁴ Ge Jesu, Moprofeta yo moswa wa Galelia, O bile le nako yeo A tlogetšwego. Motho yohle a dulago le Lentšu la Modimo o fihla go lefelo lela moo ba tlogelwago ke lefase le lefase la bodumedi. Jesu o fepile dikete tše tlhano, letšatši le lengwe, gomme ba tšere diroto di tletše ka—ka marathana go tšwa go dillofo tše tlhano le dihlapi tše pedi. Gomme lona letšatši le latelago, ke a dumela e be e le lona, O thoma go tla fase ka Lentšu, gomme bona bohole ba thoma go tloga go Yena. Gomme O lebeletše go dikologa go barutiwa, le go re, “A le tla sepela, le lena?” Ebile le ba masomešupa ba badiredi ba Gagwe Mong ba ba beilwego ba Mo tlogetše. Gomme O rile, “A le tla sepela, le lena?”

⁴⁵ Gomme ka gona Petro o boletše mantšu ao a hlokomelegago, ka go re, “Morena, re tla ya kae? Wena o nnoši o na le Bophelo bjo Bosafelego.”

⁴⁶ Hlokamelang. Eupša nako e a tla ge nako ya go tlogela e etla, gomme e—e swanetše go tla. E swanetše go tla. Gomme bjale ke na le baprofeta ba mmalwa le dilo ka mo go šupa go tšona, go netefatša go lena gore nako yeo e a tla. Gomme e ntletše. Ga go bohlokwa bja go leka go fogohletša go tloga go yona, e mo gomme o swanetše go no e tše. Ga se ba ke ba fogohletša go tloga go yona, ba eme le go e tše, gomme ba sa lewe ke dihlong ka Ebangedi.

⁴⁷ Le hlokomela Paulo, “Ke lwele ntwa ye botse. Ke feditše tema ya ka. Ke bolokile Tumelo.” Oo, nna! Pele tlase fa e rile, “Ke lwele le dibata. Gomme ke—ke lokolotšwe go tšwa molomong wa tau.” Gomme dilo tše a ilego, Modimo o be a lokile go yena. Eupša nako e tlide ge a be a eya go tloga.

⁴⁸ Bjale, a re no makalang, gobaneng monna a ka, modiredi, modirišani boka Demase yo a bego a le go Paulo, a tsoge a tlogela Paulo?

⁴⁹ Le a tseba Ngwanešu Baxter, bontši bja lena le a mo elelwa. O be a tlwaetše go bala . . . E be e le ka Demase. O rile, “A o tseba se ke yago go se dira, Ngwanešu Branham, ge ke fihla Legodimong, selo sa pele ke yago go se dira?”

Gomme ke rile, “Ke eng?”

⁵⁰ O rile, “Ke ya go sepelela thwi godimo le go hwetša moo Demase a lego, ke ya go mo omanya feela ka maatla ka fao nka kgonago.” Gomme o rile, “O ya go retologa le go re, ‘Baxter, o diretše eng seo?’” O rile, “Gobaneng o tlogetše Paulo yo monnyane wa go šokiša ge yo mongwe le yo mongwe a mo tlogetše?” Ga ke ikamanye le seo, ga ke dumele ba tla ba le dintwa tše rilego godimo fale, eupša ke nno gopola ka Ngwanešu Baxter a bolela seo gobane o kwetše Paulo bohloko.

⁵¹ Gabotse, Paulo o dirile eng? O be a rerile feela go botega ka mo a bego a kgona, gomme Moya wo Mokgethwa o be o le godimo ga gagwe. Gomme ge a ngwadile fase kua ka badiredi bale ba mohumagadi le dilo, ke a eleletše go bile le mothuthupo. O rile, “A nke basadi ba homole ka dikerekeng, ga ba dumelawa go bolela,” gomme yena ka kgolegong thwi nako yeo.

⁵² A le kgona go eleletše se ba bangwe ba bona dipišopo ba se boletšego? “Huh! Mothaka yola godimo kua ka kgolegong, o na le taba mang a re ngwalelagoo tlase mo? Le a bona? Gomme o ne Timotheo, tumpu, le yena. Gomme kafao šo o godimo kua bjale, yoo a fepago Timotheo ka beine, gomme šo o robetše ka kgolegong, gomme o a ngwala, a re botša se Moya wo Mokgethwa o swanetsego go re botša gore re se dire.”

⁵³ Eupsa o rile, “Ge . . . Eng? A Lentšu la Modimo le tšwa go lena, gomme Le tlie go tšwa go lena feela? Ge motho e ka ba mang a nagana yenamong go ba wa semoya goba moprofeta, a amogele gore se ke se ngwalago ke Melao ya Morena.” Le a bona?

⁵⁴ Le a bona, nakoe a tla, bagwera. Gomme ke nyaka batho ka nageng bao ditheipi di yago go bona, go elelwa gore nako ya go arogana e swanetše go tla. E swanetše go e dira. Ga ke tsebe ke bokgole bjo bokae go tloga nakong ya bofelo, bofelo bja ka bja tsela. Ga ke tsebe. Seo se tšwa go Modimo. Ga ke tsebe se gosasa go lego, le yo . . . Ga ke tsebe se go se swerego, eupša ke tseba Yo a bo swerego. Kafao ke moo tumelo ya ka e agilwego, go yeo.

⁵⁵ Bjale, ke a eleletše Demase ga se a mo tlogela gomme a ya go ditlelapo tsa bošego. Ga ke eleletše Demase o dirile seo, gobane Demase o be a le monna wa go tlala ka Moya. O be a le mothuši yo mogolo. Ge eba o kile wa ke wa tšeа histori ya Demase, o be a le moreri wa go tsebalega, monna yo mokaone wa maitshwaro, a nathile kudu, a rutegile. O be a le monna wa setswerere. Eupša gobaneng a ka tlogela Paulo? Seo ke selo. Ke eng e mo dirilego go

se dira, go tlogela Paulo? Ga ke dumele o nyakile go ya go tlelapo ya bošego goba e ka ba eng. Eupša ke a dumela e be e le Modimo a aroganya Paulo. Bjale ke eleletša Demase . . .

⁵⁶ A re tšeeng tše dingwe tša dikgopololo tša Demase. Ge ke be ke dutše fase patogeng ya thaba, ke makala letšatši le lengwe, e ka ba seetša sa letšatši, gomme ke be ke nagana, “Gobaneng Demase a nyaka go tlogela moisa yola? Gobaneng a ka tlogela moreri yola yo monnyane wa go šokiša yoo a mo hlahletšego go Morena, monna yo a thomilego tsošeletšo magareng ga Bantle, moprofeta ka kgonth?” Ga go yo motee a bego a ka kcona go bolela eupša se o be a le moprofeta. O be a le go feta moprofeta, o be a le moapostola, gomme moapostola yo mogolo le yo maatla go Bantle. Gomme Demase o be a tla amana le Paulo, o bile le kopanelo, gomme o bone Moya wa Modimo o sepela godimo ga monna yola. Gomme gobaneng a ka retolla magetla a gagwe go motho yo bjalo ka yoo, o be a hlatseditšwe gore o be a le mohlanka wa Kriste? A le hlokometše Paulo mo, “A rata lefase le la bjale.” Bjale, ga ke nagane Demase o kgelogile. Ga ke nagane o dirile seo. Eupša ke nagane o—o hweditše kgopolo ya go fošagala ka Paulo.

⁵⁷ Bjale, Demase o tšwa lapeng la bohumi gomme o be a humile, gomme tšelete dinako tše dingwe e ra bodumedi go batho. Boka ba bolela ka California, “Ge o se ne diCadillac tše tharo, ga o wa semoya.” Kafao go ra gore, ge o se wa atlega, ge o se ne kereke ye kaonekaone e lego gona ka toropongkgolo, batho ba ka se ye. Go nyakile go ba ka tsela yeo fa, Ehu. Wena, o swanetše go ba le kereke ye kaonekaone ka nageng, goba ba re, “Wena, oo, o ra gore o tšoenne godimo le sehlopha se sennyane bjalo ka seo?”

⁵⁸ A le be le tseba gore Morena wa rena o be a se na le lefelo la go latša hlogo ya Gagwe? A le be le tseba gore O be a no ba mong wa jase e tee? Le a bona? Gomme O bile . . . O be a no ba mohuta wa motho a kgoromeleeditšwego gohle. Gomme ga se A be le lefelo go latša hlogo ya Gagwe. Eupša ba ka be ba naganne selo sa go swana, gomme ba dirile, ka Yena.

⁵⁹ Gomme, bjale, ke a dumela Demase o bone go palelwa, go bonagala eke, ka bodireding bja Paulo. Ke nagane gore o naganne moisa wa kgale o be a gogotšwe, pele ga Modimo. Bjale, o naganne gore batho bao ba tlago go gonya mahlo a bona ntle go fa Paulo . . .

⁶⁰ Bjale, Paulo o boletše gore, o rile, “O tla ba le, bonnyane, o gontše mahlo a gago, go mpha ona.” Ka gore, Paulo, re a nagana, o be a na le mahlo a mabe, ka baka la gore o rile, “Ke ngwadile ka maletere a magolo bjalo.” O rile, “leletere le legolo,” eupša ke na le pu—pu pukuntšu, gomme e re, “ka maletere a magolo.” O be a le ka Roma, ka kgolegong kua. E be e le se sengwe sa phošo, o rile mahlo a gagwe a be a mo tshwenya ge e sa le pono ya Legodimo. Kafao o . . . Batho ba ka be ba gontše mahlo a bona, go boneng Paulo a tlaišega, mahlo a gagwe a mo tshwenya, gomme

o a tlaišega. Gomme o kgopetše Morena go mo fodiša, makga a mararo. Gomme o rile, “Ntle le ge nka godišwa ka godimo ga boati bja Kutollo, go rometšwe go nna motseta wa diabolo gore a ke a ntshetle.” Bjale, go be go tla ba gabotse, morago a mmetha gape. Morago o be a tla ba gabotse, gomme a mmetha gape.

⁶¹ Le a bona, Paulo o bile le bodiredi bjo bogowlane go feta baapostola bohle ba beilwe mmogo. Ba bangwe ba bona ba ka be ba rile, “Gabotse, ke sepetše le Jesu.” Gobaneng, monna mo mokgotheng o sepetše le Yena ge A be a le fa. Eupša Paulo o Mmone ka go Pilara ya Mollo morago ga ge A hwile, a bolokilwe, a rotogetše ka Legodimong, le go bowa morago le go bitša Paulo, le a bona, le a bona, tseleng tlase go ya Damaseko. Gomme o bile le bodiredi bjo bogowlane go feta Mateo, Mareka, Luka, goba e ka ba mang wa bona ba bangwe. O be a le kgole godimo ga bona. Gomme o rile, “Ntle le ge ke phagamišwa bjale le go re, ‘Bjale, lena baisa ga le tsebe selo ka Yona. Ke bone Morena *morago* ga tsogo ya Gagwe.’”

⁶² Gabotse, ba re, “Re sepetše le Yena.” Gabotse, go bjalo le bona batho bohle tlase tikologong ka Galelia le Natsaretha le go kgabola naga fale. Bohle ba sepetše le Yena.

⁶³ Eupša, le a bona, Paulo o be a boletše le Yena gomme o Mmone ka sebopego se A bego a le sona pele ga ge A dirwa nama. Le a bona? Gomme O romile Paulo ka go seemo seo, ge A be a le ka go Seetša sela. O romile Paulo. Gomme—gomme Paulo o Mmone. Gomme o rile, “Ntle le ge ke phagamišwa, go ikwela godingwana gannyane go feta ba bangwe ba lena baena, go filwe go nna motseta wa diabolo,” yoo a mmeago a iteilwe. Gomme o rile, “Ke nyakile Morena makga a mararo go e tloša go nna. Gomme O rile, ‘Saulo, goba Paulo, mogau wa Ka o lekanetše.’” Ka gona Paulo o rile, “Ke tla hlalala ka mafokoding a ka, gobane ge ke fokola nako yeo ke tiile. Le a bona, ke tla itheta ka go yona!”

⁶⁴ Bjale, a le hlokometše bjale, monna yo a bilego le bodiredi bjo bogowlane go feta e ka ba mang wa bona bao ba bilego mo tšhemong, Paulo, bodiredi bjo bogologolo go bona bohle, yo a bonego Jesu ka go Pilara ya Mollo, gomme o mo romile go dira se a se dirilego, gomme a hlatselwa ke Modimo yo a swanago, le Maatla a a swanago, ka maswao le dimaka bokagodimo ga potšio ye e itšego; gomme o be a šokiša kudu o be a na le jase e tee feela, a rerela sehlopha sa batho bao ba ka bego ba gontše mahlo a bona, gomme bangwe ba bona boradimilione. Gomme efela Paulo o be a na le jase e tee. O rile, “Tlišang jase yeo, go a tonya godimo mo.” O be a le ka nageng ya thaba. O be a na le jase e tee feela.

⁶⁵ Gomme Demase, go monna yo a bego a le wa maemo a godimo, mohuta wa godimo, wa maitshwaro, wa go rutega, le monna wa mohumi yoo a bilego le go fetola go gontši ga diaparo, “Mothaka yola, go be go le se sengwe sa phošo ka yena. Yola a bilego le bagwera ba bantši bao ba ka go gonya mahlo a bona

ntle go mo fa yona, gomme efela o be a šokiša kudu o be a ne jase e tee. Se sengwe se be se fošagetše ka Paulo.”

⁶⁶ Oo, le a tseba, moya wola ga o tlogele lefase, ba sa na le ona ka tsela yeo. Tšhelete ga se Modimo. Go na le Modimo yo motee feela. Le a bona? Eupša batho ba nagana gobane o na le bodiredi bjo bogolo o swanetšego go ba le sohle *se* le sohle *se*, le dilo tšohle tše kgolo tše, le dikolo tše dikgolo le *semangmang* yo mogolo. Modimo ga a šome ka go tšona dilo. Goba, bonnyane, yeo e bile kgopolو ya ka. Modimo o šoma le motho ka motho. Ga se nke a re hlomamiša go dira dilo tše bjalo.

⁶⁷ Eupša Paulo, ka jase e tee, gomme o botša Timotheo mo go e tliša go yena gobane go be go tonya godimo kua. Uh-huh. Monna yo a bilego le bodiredi bjoo bo reretšego dikete tše masome tše Paulo a di dirilego, le bodiredi bjoo bo ka go dira mehuta yohle ya mehlolo, gomme a bone Jesu ka go Pilara ya Mollo, a mo romile, gomme efela o bile le jase e tee. Demase o rile, “Moisa yo bjalo ka yola,” o tla mo furalela.

⁶⁸ Bjale, ge a be a le godimo mo a rera go leba Tareso, re hwetša gore fao go na le monna kua godimo e be e le morulakoporo. Gomme o be a le legwaragwara. Gomme o be a hloile Bokriste. Gomme o dirile se sengwe le se sengwe go Paulo seo a kgonnego go se dira go yena, o bile le yena a lahletšwe ka kgolegong, le ye nngwe le ye nngwe—... ebole le Paulo o sebotša Timotheo ka selo sa go swana, “Šetšang moisa yola.” Gomme Demase šo! O Modimo, anke batho ba e kwe! Fa go eme Demase a eme hleng le monna yoo a rathilego monna go foufala, bakeng sa go ngangišana le yena. Bjale, lena bareri ba Church of Christ, aparang dijase tša lena bjale. Ke bile le yo motee a mpotša nako ye nngwe, o rile, “Mphoufatše! Mphoufatše! O ne Moya wo Mokgethwa, mphoufatše.”

Ke rile, “O šetše o foufetše.” Le a bona?

⁶⁹ Bjale, gabaneng Paulo a se a foufatša morulakoporo? Wona mohuta wa go swana wa moya wo o lego godimo ga batho ba ba naganago seo, ke selo sa go swana se bego se le ka Demase. Monna yo a kgonnego go foufatša monna, bakeng sa go ngangišana le yena, gomme morago a retologa le go dumellela morulakoporo a senya bodiredi bja gagwe ka toropongkgolo. Ga go pelaelo Demase o rile, “Yena, o hlatswišwe, o lahlegetšwe ke dimpho tšohle tša gagwe. O—lahlegetšwe ke dimpho tša gagwe tša go foufatša.”

⁷⁰ A ga le bone ka fao moya wola o sa phelago, o re, “O gogotšwe, ngwanešu”? Oo! E—e no ya ka godimo ga hlogo ya batho. Ba no se e hwetše, seo ke sohle se lego go yona. Le a bona? Ba no se kgone go e bona. Le a bona? Ga ba kwešiše.

⁷¹ Bjale Demase...ga se a foufatša monna yola gobane o be a nyaka. A Jesu ga se a re, “Ga Ke dire selo go fihla Tate a Mpontšha pele”? A ga se ka le botša mengwaga ya go feta, ka

mme wa ka mong o be a robetše, a ehwa, gomme o tla re, “Bill, dipuelo tša ka ke eng?” Ga se ke kgone go bolela selo go fihla Modimo a boletše bjalo pele. Gomme seo e no ba se se diregilego. Motho ga a kgone, motho o šitwa le go thoma. O no ba sedirišwa seo Modimo a šomago ka sona, gomme Modimo o šoma thato ya Gagwe Mong. Eupša ge le bona batho ba ba ditsebanyane ba bao ka mehla ba nago le *se le sela* le se *sengwe*, bokaone o dule kgole le yona. Le a bona? Jesu ka Boyena ga se a dira seo. O rile, “Ke šoma feela bjalo ka ge Tate a šoma. O Ntaetša gore ke dire eng gomme ka gona Ke a ya go e dira. Ga Ke kgone go dira se *sengwe* . . . se *sengwe* le se *sengwe* ka mokgwa wo mongwe ntle le seo.”

⁷² Gomme mo Demase o bone Paulo, monna yo a bego a na le bodiredi bja go swana le bjoo, gomme efela o be a diila kudu gore o be a no ba mong wa jase e tee, gomme a nyaka Timotheo go e tliša go yena. Jase e tee! Eupša, Paulo o beile mohlala boka Kriste a bile, O be a ne jase e tee. Gona gobaneng mahumo le tšhelete ye ntši le dilo di bolela kudu go batho lehono? Hlokomelang bjale. Gomme o be a na le maatla go fihla, yo mongwe le yo mongwe yo a bego a fapano le se a bego a se rera, o ile a retologa go dikologa gomme a re, “O tla ba sefoufou lebaka la sehla.” Gomme monna o be a foufetše.

⁷³ Gomme mo go be go le morulakoporo, o dirile makga a lesome go yena se monna yola a se dirilego, gomme efela a phonyokga. Demase o swanetše go be a naganne, “Gabotse, le a bona, moisa wa kgale o hlapišitšwe bjale. O lahlegetšwe ke bodiredi bja gagwe.” Aowa, aowa, o be a se a lahlegelwa ke bodiredi bja gagwe, le gannyane. Modimo ga a dire dilo boka tše. Modimo ga se mofi wa Moindia. Ya. Hlokomelang bjale.

⁷⁴ Paulo o be a le se *sengwe* ka mokgwa boka Eliya. Eliya moprofeta o ile godimo ga thaba ka thomo ya Modimo, le go bitša mollo go wa go tšwa Legodimong, gomme o wele. Gomme o biditše meetse, gomme a tla. Gomme morago o laetše ka molaetša wa Modimo le go bolaya baprista ba makgolonne, a kgaola dihlogo tša bona, a ba lesa go tokologa go theoga thaba; gomme morago a tšhaba ka tšhošetšo ya mo—mo mosadi, mosadi o tee yo monnyane wa moikaketši, goba, o be a le mosedumelemodimo. Isebele, mosadi yo motee yo monnyane yola a bego a le thwadi go ye nngwe le ye nngwe ya yona, o be a le mohlodi wa yona. Go be go lebega o ka re o be a mo hweditše pele. Eupša Modimo o na le ditsela tša go dira dilo, gomme bahlanka ba Gagwe feela ba ka šoma go ya ka ge a šoma go ya ka thato ya Modimo.

⁷⁵ A ga le bone, bagwera, le swanetše go sepela go ya ka tsela ya Modimo ya go sepela. Ke makga a makae ke dutšego ka go khansele ya baena, le ka fao ke tla ratago go sepelela godimo le go šikinya seatla sa bona le go re, “Baena, ga go dire phapano e ka ba efe, a re no bang baena mmogo.” Nka kgona bjang go dira

seo le go boloka thomo ya ka, “Go rera Lentšu”? Ga ke nyake go dira seo.

⁷⁶ Ke eme magareng ga badiredi, le go re, “Ngwanešu Branham, rakgadi wa ka o godimo fa. Ke a tseba o moprofeta yo a rometšwego go tšwa go Modimo. Eya godimo le go bušetša pono ya gagwe.” Ke duma ge nka kgona, ke tla e dira. Nka se kgone go e dira go fihla A mpotša go e dira. Le a bona? Ga go yo motee a ka kgonago go e dira. Eliya ga se a kgona go e dira, ga go yo mongwe gape a bego a ka kgona go e dira.

⁷⁷ Bjale re hwetša gore Paulo . . . Demase a rera le Paulo, o be a bone Paulo a bona monna wa segole a robetše fale, gomme o rile, “Ke a bona o na le tumelo go fodišwa. Emelela ka maoto a gago! Jesu Kriste o go dira o fole.” Ke mmone a fodiša balwetsi, gomme efela o tlogela mogwera wa gagwe Theophile.

⁷⁸ “Paulo o lahlegetšwe ke bodiredi bja gagwe.” Seo ke se Demase a swanetšego go be a se naganne. “Gobaneng a se a dira, ge eba o bile le mpho ya phodišo, gobaneng a se a ya godimo fale le go fodiša mokgotsi yola yoo a emego hleng le yena go botega bjalo? O rile, ‘Ke mo tlogetše a babja. Gomme ga ke na le jase, gomme ke nyaka gore o ntlišetše jase yeo mmogo. Gomme hlokomela, morulakoporo yola, o ile a no senya kopano yela ka toropongkgolo. Ke ile ka swanelwa ke go tlogela toropo. O ile a ntahlela ka kgolegong.’” Ke a eleletša Demase o rile, “Ke mohuta ofe wa moreri yo a fetogilego go ba?” Huh?

⁷⁹ Gomme, ngwanešu, ba na le bontši bja yona meboya ya Demase ka lefaseng lehono. Ga ba tsebe e mabapi le eng. Le a bona? Ga go bohlokwa go leka go e hhalosa go bona, ka gobane ba ka se e hwetše golebjalo. Le a bona? Le a bona? Mohlanka wa Kriste o latela Dikgato.

⁸⁰ Yo mongwe wa matikone a rena fa, ga ke tsebe ge eba o fa bošegong bjo goba aowa, ke Tony Zabel. Ka mehla o tikologong fa. Gomme o tlide go nna gomme o boletše mo e sego telele go fetile pele a hwetša . . . o tlide godimo mo, o rile—o rile, “Ke—ke bile le toro, toro ya go segiša.” O rile, “Ke—ke lorile ke be ke leka go hwetša tsela ya ka godimo go leba Legodimong.” O rile, “Ke bone monna a etla a apere kobo ye ntsho gomme o be a—a—a bala puku.” Gomme o rile, “Ke—ke fihlile go monna yo, gomme ke mmotšišitše, ‘Ke tsela efe go ya Legodimong?’ Gomme o rile, ‘Botšiša monna ka pele ga ka.’” Gomme yoo e be e le mo—mo modiša wa kereke yo a ilego go yena.

⁸¹ O ile kgojana gannyane gomme a kopana le monna yo mongwe, o be a apere kobo ye ntsho gomme o be a opela dipina, a eya pele. Gomme yoo e be e le modiša yo mongwe. Bobedi bona badiša ke bagwera ba sebele ba ka. Gomme o rile . . . Gomme monna yo mokaone. Gomme o rile, “‘Ke tsela efe ke namelago ntlhora ya thaba fa?’ O rile, ‘Lebelela fa.’ O rile, ‘O a bona, go eme godimodimo kua ntlhoreng, moisa yo monnyane yola wa

nthatana?" Ke rile, 'Ee.'" O rile, "Fale go eme mothaka a apere para ya dioborolo, a rwele kefa ye nnyane ya makhapoye." [Ga go selo lefelong la theipi—Mor.]

⁸² Yo mongwe o rile, tlase ka Kentucky, o rile, a bolela ka nna tlase fale, o rile, "Mothaka yola o lebega boka e ka ba eng eupša moreri." Go ka no lebega boka molemi goba se sengwe, eupša—eupša, le a tseba, ga se ditebelelego.

⁸³ Gomme o boletše gore e be e le nna ke eme godimo kua. Gomme o—o nametše godimo go fihla a fihla go nna, le go re ke mo tlišitše ka letsogo gomme ka mo hlahlela pele godimo go fihla ke fihla nthoreng ya thaba. Gomme go be go le lešoka go ya go kgabola. Gomme ke rile, "Tony, ke swanetše go go tlogela fa gomme o swanetše go sepela ye nngwe ya se ka bowenamong."

O rile, "Ngwanešu Branham, nka kgona go dira eng go tloga mo go ya pele?"

⁸⁴ O rile ke rile, "Etla fa, Tony, lebelela tlase fale. O a e bona yona mehlala ya dinao tša go se rwale ka Madi ka go yona?" Ke rile, "Yeo ke se ke se latetše tsela yohle. E no dula go Yeo." Seo ke selo se nnoši ke tsebago go šupetše motho go sona; e sego thutotumelo goba maikutlo a mohuta tsoko, eupša go Dikgato tsela tša madi tše di išago Beibeleng, Madi a Jesu Kriste.

⁸⁵ Bjale, ka fao monna yola a swanetše go be a ikwetše, monna wa bagwera ba milione tše ntši kudu, le jase e tee. Monna yo a bego . . . o be a na le maatla go itia monna go foufala, gomme a dumelela monna go mo rakela ka ntle ga toropo. Ga se nke a dira selo ka yona, o emeletše gomme o ile ntle. O rapeletše balwetše gomme o tlogetše mogwera wa gagwe a babja. Gomme Demase o mo tlogetše. Bohle ka moka ga bona ba mo tlogetše. Bohle ba gagwe ba mo tlogetše. Paulo o rile, "Batho bohle ba tlogile go nna." Yo mongwe le yo mongwe wa bona o mo tlogetše.

⁸⁶ Ke bolela se. Ge monna a eme therešo go Lentšu, e sego feela ka kopanong e tee, eupša ka kopanong ye nngwe le ye nngwe, ge motho a ema go rereša go Lentšu, nako e tla tla ge ba tla mo tlogela. Tlwa. Ba e dirile. Ba e dirile go Morena wa rena. Ba tla mo tlogela ge a emela Therešo. "Batho bohle ba ntlogetše." Gomme bjale le nagana eng gore Demase le ba bangwe ba bona banna ba naganne ge bohle re tseba, bao ba tsebago Lengwalo, gore Luka o be a le ngaka, gomme Paulo, kae kapa kae a bego a eya, o tšere ngaka ye le yena? Gomme go rera phodišo ye Kgethwa, le go tlogela mogwera wa gagwe a babja. Go diila kudu, o be a na le jase e tee. Gomme a dumelela monna go mo rakela ka ntle ga toropo, ge a ba a ka kgonne go mo foufatša. Le a bona, ba naganne o be a gogotšwe. Eupša o be a se! O be a le tlwa ka go Dikgato tša madi. O be a latela. Ke a holofela le a kwešiša. O rile, "Motho yohle o ntlogetše."

⁸⁷ Demase, o rata lefase le la bjale, botsebalegi bja batho. "Halo, Ngaka Demase. Ke a tseba o na le ya gago Ph.!"

⁸⁸ Oo, nnete, ba rata seo. Jesu o rile, “Le rata bjang go ema ka disinagogeng, le go bitšwa ‘Rabi,’ le go ya pele.” A re, “Le amogela feela kahlolo ye ntši.” Le a bona?

⁸⁹ Bjale, re a tseba ge ba bone ngaka ye e mo latela, goba le yena, gomme Paulo o tšere Luka, o rile, o boletše—o boletše fa, “Luka ke—Luka ke yena a nnoši a sa tlogelago. Gomme Luka o—o mo loketše. Eupša, Luka o atlegile go yena. O hloka Luka bakeng sa bodiredi bja gagwe.” Gomme ngaka ye e latela monna tikologong kae kapa kae a bego a eya, le go rera phodišo Kgethwa. Gomme monna yo a rerilego phodišo ye Kgethwa o kgonne go fodiša digole le go tsoša bahu, le se sengwe le se sengwe gape, le go bona dipono tše maatla, le go bolela dilo tše di tla diregago, gomme o tlogetše modirišani wa gagwe mong a babja. Gomme a ka be a bile le ditolara tše milione le go aga meago ya boleng bja dikete tše masome tša ditolara, le dikolo tše kgolo le dilo boka tše, gomme ebile a be a se ne eupša jase e tee go Bea mokokotlong wa gagwe.

⁹⁰ Demase o rile, “Ga ke hlakane le mothaka boka yola. O no ba . . . Ke mohuta wa legoro la fase wa motho. Ke tla ya godimo le baena ba kerekkeleina. Ke tla ya godimo moo ke tla bago yo mongwe.” Ge e be e le selo se sebjalo, ke tla rata go sepela, gomme thwi ka morago ga ge Baxter a feditše, le a bona, go tlogela moisa yola yo monnyane wa go šokiša ka sebopego sela. O be a swanetše go ba a eme hleng le yena. Paulo e bile yena a mo hlahletšego go Kriste. Eupša, le a bona, ke ka ntle le go tseba Moya, go tseba se thato ya Modimo e lego sona, gona go dira thato ya Modimo. Le a bona? Bjale, eupša fao o mo tlogetše ka seemong sela. A mo tlogela! Batho bohle ba be ba mo tlogetše.

⁹¹ Ke nagana bjang ka seo! Mohlanka yo a tla emago go rereša bjang go Lentšu, ka pejana goba moragwana, e no elelwa, batho ba ya go mo tlogela. Bjale re nyaka go ratha seo feela metsotso e se mekae, gomme nka se le swarelele botelele kudu bjale, gobane ke le nyaka fa mo mosong. Ka mehla ge mohlanka wa Modimo a eme therešo go Lentšu, bohle ba a mo tlogela. Gomme e . . . Bjale, go no tsea kae kapa kae o nyakago, nako efe kapa efe ka Beibeleng goba historing, gore ge motho a dutše therešo, ga go kgathale o be a tsebalega bjang, ge a dutše therešo go Lentšu, nako e tlide ge lefase la bodumedi le mo tlogetše gomme la mo kgaola. Bjale, e no e bala, ge o tsea Beibele go tloga go Genesi godimo go ya go Puku ya Kutollo, le go topa godimo ka go *Pre-Nicene Council* le go tsea tlase go ya go *Nicene Fathers*, le monna yo mongwe le yo mongwe, mokgethwa yo mongwe le yo mongwe, moprofeta yo mongwe le yo mongwe, mohlanka yo mongwe le yo mongwe wa therešo wa Modimo yoo a dutše go Lentšu, o be a tlogelwa ke selo sa boboledi gomme a lahlelwa fase. Gomme Paulo e be e le yo mongwe wa bona.

⁹² Gomme ge go ka ba yo motee lehono, e tla ba selo sa go swana. Ke therešo tlwa. O swanetše go betha lefelo lela. Le swanetše go

tla. Ba nagana gore monna yo a ka bago le bodiredi bjo bo bjalo, o swanetše go ba le lefase thwi ka tlase ga mogogorupo wa gagwe. O be a swanetše, eupša ba ka se tle ka tlase ga mogogorupo wa gagwe. Le a bona? Gomme monna boka yoo a ka se bee bodiredi, goba lefase ka tlase ga mogogorupo wa gagwe; o tla le bea ka tlase ga mogogorupo wa Mong wa gagwe, gobane ga a fa go ikemela yenamong, o emetše Mong wa gagwe.

⁹³ Le a tseba, banna ba leka go nyaka tlhompho yo motee go tšwa go yo mongwe, gomme ba hlomphana yo motee go yo mongwe, gomme ba tlontlolla Modimo ka go dira bjalo. Le a bona? Re leka le go dira batho ba bagolo magareng ga rena, gomme ge re se batho ba bagolo le batho ba bannyane, bohole re batho ba bannyane. Go na le yo motee feelsa Yo mogolo magareng ga rena, gomme yoo ke Morena wa rena. Le a bona? Gomme re dira mokgatlo wa rena wo mogolwane kudu go feta Modimo, “kereke ye kgolo ye kgethwa ya *se, seo*, goba *se sengwe*, dipišopo tše kgolo tše kgethwa,” le go ya pele. Ga go dilo tše bjalo ka tše. Yeo ke tlhompho ya motho. Go na le yo Motee feelsa yo mokgethwa, gomme yoo ke Modimo. Gomme Moya wo Mokgethwa, e lego Modimo, o magareng ga rena. Ga se rena ba re lego ba bakgethwa, ke Moya wo Mokgethwa o lego ka go rena. Ga se . . . Ge re bona dilo di dirwa, ga se rena re dirago, ke Moya wo Mokgethwa. Jesu o rile, “Ga se Nna yoo a dirago mediro, ke Tate wa Ka. O dula ka go Nna, gomme Yena ke Yena yoo a dirago mediro.” Gomme ga se yena yoo—yoo a e dirago. Go lokile. Eupša re hwetša bona bahlanka ba therešo tlase go kgabola nako.

⁹⁴ Bjale sese selo ke nyakago mokgwa wa go šoma go sona dinakwana di se kae. Bjale, ka mehla ke nako ye bjalo ka ye ge banna ba dutše therešo go Lentšu gomme batho bohole ba mo tlogetše go fihla Modimo a gatela ka gare ka tshireletše ya motho yola le go rweša bodiredi bja gagwe mphaphahlogo. Yeo ke nnete. A kgothatšo. Kgothatšo ya rena e agilwe ka go tshepišo ya Lentšu la Modimo. Ga go kgathale se lefase le se bolelago, se lefase le se dirago, tše e sego dikholofelo tša rena, ga se tša agiwa ka go se lefase le se dirago.

⁹⁵ Ke nagana pina yela e botse kudu. Ke duma nka opela. Ka mehla ke nyakile go opela. Le a bona? “Bao ba letetšego go Morena, ba tla mpshafatša maatla a bona, ba tla hlatlogela godimo ka diphego bjalo ka ntšhu, ba tla kitima gomme ba ka se lape, ge ba sepela ba ka se tefelete; nthute, Morena, go leta. Nthute, Morena, go leta tlase matolong a ka.” Ke rata seo. “Gomme ka nako ye botse ya Gago Mong O tla araba kgopelo ya ka; nthute go se ithekge ka seo ba bangwe ba se dirago, eupša go no leta thapel long bakeng sa karabo go tšwa go Wena.” Yeo ke yona. Yoo ke mohlanka wa therešo yo a letetšego bakeng sa Mong wa gagwe, go tsebeng se, gore Mangwalo ga a kgone go šitwa go sa kgathale se se diregago. Lengwalo le swanetše go ema therešo.

Ka go nako ye bjalo ka yeo, ke ge Modimo ka mehla a gatela ka gare go ba thuša.

⁹⁶ A re lebeleleng Eliya ge a be a tlogetšwe. Gobaneng? Ka gobane o be a dutše therešo go Lentšu. O rile, “Batho bohole ba ntlogetše.” Gomme o be a rakilwe go tšwa setšhabeng, go tloga mokgatlong, go tloga ebole mokgatlong wa bosetšhaba, wa kereke ya bosetšhaba ya Israele, moprista le bohole ba mo lahletše ntle, gomme ebole o be a se ne jase bontši boka Paulo, eupša ntsekana ye nnyane ya mokgophwa nku, goba, letlalo le tateditšwe go mo dikologa, gomme a dula godimo ga thaba gomme a fepša ke dinonyana. Ee, mohlomphegi. Gobaneng? Bakeng sa Lentšu la Modimo, gobane o be a le therešo go O RIALO MORENA. Bjale bohole ba ile sebjalebjale. Mohumagadi wa pele wa naga, Isebele, o be a na le difešene tšohle le dilo ntle. Gomme baprista ba ineetše ka go yona le go ya pele, le bareri bohole le go ya pele, ba tswalantšwe ka go yona. Eupša e sego Eliya, o dutše go rereša go Lentšu lela. Gomme bakeng sa selo se sebjalo o be a tlogetšwe, go fihla a goleditše ntle, “Morena, ke nna ke nnoši ke šetšego, gomme ebole ba nyaka bophelo bja ka.”

⁹⁷ Eupša Modimo o mo fa kgothatšo ye e itšego, o rile, “Ke na le dikete tše šupa go le bjalo tlase kua.”

⁹⁸ Le a bona, ga ke dumele Eliya o ikgogomoša ka seo, gore o be a le yena a nnoši, eupša ke nagana o be a nno tlogelwa kudu. Nako le nako o be a eya godimo go moprista go swara kopano, ba be ba mo rakela ntle. O be a tla ya tlase mo, “Etšwa mo, wena lehlanya! Etšwa mo! Eya o dire se!” Go laeditše ge Elisa a etla mmogo, mohlatlami wa gagwe. Gabotse, ba dirile eng? Ebole ba... Moisa yo moswa o be a le hlogo ya lefatla, gomme ba rometše bana ba bona ba bannyane ntle go dira metlae ka bona ba kgale “baradia.” O rile bobedi bja bona ba be ba tšewa go ba baradia, ba rile, “Mokgalabje wa hlogo ya lefatla! Hlogo ya lefatla, gobaneng o se wa ya godimo boka Eliya a dirile?” Ba be ba sa dumele gore o ile godimo. Uh-huh. Le a bona? Feela ba be ba gopola gore o be a le sehlopha sa baradia. Eupša ba be ba botegetše Lentšu, ka bodiredi bjo bo hlatsetšwego. Eliya o eme. Go lokile.

⁹⁹ Daniele o tšere go ema ga therešo. Le tseba mo ke hwetšago yeo ka go Daniele 12, goba Daniele 9, ke a dumela ke yona. Ge le... Daniele o tšere go emela Lentšu ga therešo. Go diregile eng ka yena? Ge a be a le monna wa letsogo la go ja go kgoši, eupša o tšere leemo la therešo bakeng sa Lentšu, gomme a rakwa le go lahlelwa ka gare ga legolo la dita. Monna wa Modimo a eme therešo go Lentšu!

¹⁰⁰ Bana ba Bahebere ba dutše go rereša go Lentšu, ka tlase ga kwalakwatšo ya kgoši gore “mang le mang a ka se khunamelego seswantšho sela ge modumo wa dipela le diphalafala o leditšwe, le go ya pele, e ka ba mang yo a ka se khunamelego seswantšho sa rena o tla lahlelwa ka leubeng la mollo,” gomme ba retolotše

magetla a bona go seswantšho. Gomme ra... Bona, go sa kgathale ba ba go se tume bjang, go sa kgathale ba tla kgaolwa bjang go tšwa setšhabeng, ba eme go botega go Lentšu. Ke rata seo.

¹⁰¹ Jakobo, yo mongwe. O bile... bile kgole le gae lebaka la nako ye telele, gomme o bile le pitšo go ya gae go bona batho ba gab. Gomme o be a le tseleng ya gagwe, a botegetše pitšo ya gagwe, a botegetše tlhahlo ya gagwe. O bile le dilo tše kaone godimo fale, eupša Modimo a thoma go mekamekana le yena go ya gae. Gomme, tseleng ya gagwe go ya gae, o lahletšwe gare ga mafelo a mabedi a go swinelela. Mosadimogatša wa gagwe le bana ka lehlakoreng le; gomme ngwanabo wa go hloiw, Esau, a etla mo ka sešole go kopana le yena. Gomme o eme mo nokeng ye nnyane, noka ya Peniele fale, gomme šole o eme. Gomme a seemo! Esau, a mo hloile, a etla le madira go kopana le yena, gomme mosadimogatša wa gagwe šo, basadibagatša ba babedi le bana bohole ka lehlakoreng le la noka, gomme o be a swerwe ka lefelong la go swinelela. Gobaneng? Ka gobane nkabe a dutše nageng ya gab e be e tla ba gabotse. Eupša o be a na le pitšo, Lentšu la Modimo le be le mmileditše nagalegaeng ya gagwe. Haleluya! Modimo a šegofatše monna. O na le phetogo, le yena. Ee, mohlomphegi.

¹⁰² Jesu, a botegetše Lentšu la Tate, “Ke dira feela se Tate a se boleLAGO. Go ngwadilwe, ‘Motho a ka se phele ka borotho feela, eupša ka Lentšu le lengwe le le lengwe leo le tšwago molomong wa Modimo.’”

Jesu, ka mehla a botegela Lentšu lela, go tlie nako ge A lobile bagwera bohole A bilego le bona. Yo mongwe le yo mongwe wa bona o Mo tlogetše gomme a tloga. Bohle ba bona. Gomme batho ba Mmone a kwerwa, a kwerwa, a lahlegetšwe ke tshepo ka go Yena. “Monna yo a ka kgona bjang go bolela le monna wa go hwa ka lebitleng gomme a mo tsošetša godimo, go kgonega bjang monna yola a kgonnego go bolelelapape ditiragalo tlwa gomme a sa nke a... sa nke tša sitšwa; le go dula ka dikgorong ka sefahlego sa Gagwe se etšwa madi go tšwa go tumulweng ga ditedu, le mare a botagwa go tšwa go mašole a kitima go theoga sefahlego sa Gagwe, ka lešela hlogong ya Gagwe, gomme ba Mmetha mo hlogong ka phata, gomme ba re, ‘Profeta gomme o re botše yo a Go iteilego, gomme re tla e dumela?’” Gabotse, barutiwa ba nno sepela, ba rile, “Aa!”

¹⁰³ Le a bona, ka pela ba lebala se Modimo a se dirilego! Ka fao Moshe a boletšego kua go Lewatle le Lehurbedu, ge a eme fale gomme o rile, “Modimo o dirile mehlolo ye lesome ya go ikgetha, a le sa seleka kudu gore ga le tsebe gore O sa le Modimo?” O ile tlase kua gomme a itia dinaga, a—a bea thogako ka dinageng. O tlišitše digwagwa, matsetse, dintšhi, se sengwe le se sengwe, le mo—mo mothuthupo wo o bolailego leitšibolo lohle, gomme morongwa wa lehu o fetile go kgabola naga, gomme

efela batho bale ga se ba nyaka go mo latela ka Lewatleng le Lehubedu. Ka pela bjang, ka pela ge botsebalegi bja gago... Ge ba bone marumo a magolo a a go phadima a banna ba dikete tše lekgolo ba etla ka mokgwa woo, goba mohlomongwe, ya, goba mohlomongwe milione wa banna ba etla, le go rora ga dikoloi le lerole le fofa, ba nno ineela gomme ba wela morago, "Gomme, Moshe, re be re swanetše go ba re hwile morago kua." Le a bona? Modimo o rile O ba leseditše go hwa ka lešokeng bakeng sa gosedumele. "Moshe, bodiredi bja gago bo gogotšwe, ke phetho. Ga o sa le gona gape." Le a bona, ga ba kwešiše. Ga ba e hwetše.

¹⁰⁴ Gomme bjale selo sa go swana se biledi ge Jesu, Rabi yo moswa goba Morutiši, goba Moprefeta wa Galelia, ge A be a dira mehlolo yela yohle le dilo, "O kgonne bjang Yena go tsoge a ema le go kwana le selo se sebjalo ka sela? O be A ka kgona bjang go dumelola monna go Mo tlema ka diketane, ge A kgonne go kgaola setswalelo go tloga lebitleng le go tsoša motho wa go hwa go tšwa Bokagosafelego? O kgonne bjang Yena go e dira, ge A kgona go bolela le morwa wa mohlogadi yo a hwilego gomme a mo tsoša gore a phelle gape; le Latsaro, a hwile gomme a bola ka lebitleng, gomme a mo tliša ntla? O kgonne bjang Yena go ema le go re, 'Ke nna Tsogo le Bophelo. Yo a dumelago ka go Nna le ge a hwile efela o tla phela. Mang kapa mang a phelago gomme a dumela ka go Nna a ka se tsoge a hwa.' Gomme o eme le go tlengwa ka ditlemo le mare mo sefahlegong, gomme a se bule molomo wa Gagwe?" Barutiwa, "O lahlegetše ke bodiredi bja Gagwe." Ya, yeo ke tsela ye e yago. Modimo, lefase le la go šokiša!

¹⁰⁵ Ebile le kereke ya Gagwe, ba lesomepedi bao A ba thabelago gomme a ba boditše se sengwe le se sengwe, gomme a ba ratile, ba Mo furalela. Yo motee feela a emego hleng le Yena, yoo e be e le monna Johane. Thwi mo iring ge se sengwe le se sengwe se be se ile, gomme dikholofelo tšohle di be di ile, Yena šole a tlenngwe, le go išwa godimo fale le go kwerwa le go tshwelwa, le go bea mokokotlo wa Gagwe go... Ba sa tsebe gore seo se phethagaditše Mangwalo.

¹⁰⁶ Gobaneng, a ga le tsebe gore dilo tše di yago pele lehono di phethagatša Mangwalo tlwa go letere? Gobaneng batho ba ka bolela dilo tše? Gobaneng dikerekemaina tše di befelwa? Gobaneng ba dira seo? Go ngwadilwe ka Mangwalong ba tla e dira. Ba sepelela thwi ka go yona le go e dira bonabeng, ka bofofu, ba sa tsebe ba a e dira. Le nagana Judase o tsebile o be a raloka karolo ya Judase? Le nagana gore Farao o tsebile gore o raloka karolo, ge Modimo a mo tsošeditše godimo ka morero woo? Le nagana gore Esau o be a ka dira dilo tše a di dirilego? Ka nnete aowa. O rile, "Ba na le mahlo gomme ga ba kgone go bona, ditsebe gomme ga ba kgone go kwa." Eupša šetšang Lengwalo, le no tatologa. Le a bona? Re mo nakong ya bofelo, go swanetše go ba ka tsela ye.

¹⁰⁷ Bjale, kereke ya Gagwe e Mo tlogetše. Batho bohole le tlhago ba Mo tlogetše. Bolela ka yo mongwe a tlogetšwego, Paulo o be a se a tlogelwa le gannyane go se A bilego le sona. Ebile yona tlholo yeo A e hlotšego e be e Mo tlogela. Ngwedi le dinaledi le letšatši, le se sengwe le se sengwe, go foufatša. Monna, Modimo, tlhago le se sengwe le se sengwe se Mo tlogetše, go se selo se emego fao, O hwile a nnoši. A O lahlegetšwe ke bodiredi bja Gagwe? O be a phethagatša bodiredi bja Gagwe, a sa lahlegelwe ke bjona. Seo se ya le bjona. Seo ke selo se se diregago. Seo se swanetše go ya le bjona.

¹⁰⁸ Bjale, se sengwe le se sengwe se Mo tlogetše. Eupša go bile ka nako ye moo Modimo a gatilego ka gare mo tiragalang, ka gore motho mang le mang yo a tsebago Lentšu o tla dula le Lentšu, go tseba gore Lentšu ke Modimo. Le a bona? Gomme Lentšu le swanetše go itatolla ka Bolona. Lentšu la go se šitwe le swanetše go itatagolla ka Bolona. E swanetše, gore, ka baka la gore Lentšu ke Modimo. Gomme ge Le šomile go ba bangwe gohle go theoga lebaka, Le tla šoma ka tsela ya go swana gonabjale, gobane Ke Modimo. Le se tsoge la lebala seo. Ka gore Jesu o tsebile gore O be a le botlalo bja Lentšu, O be a se feela Mopropeta, O be a le Modimo ka Boyena. O be a le Lentšu. Ke ka baka leo go sego feela motho a Mo tlogetšego, eupša gape tlhago ya Mo tlogela. Tlholo ka moka e Mo tlogetše, se sengwe le se sengwe, dinaledi, ngwedi, gomme go se seetša ge A ehwa. Se sengwe le se sengwe se Mo tlogetše, le a bona, ka gore O be a le Mohlodi wa dilo tšohle. “O be a le lefaseng, gomme lefase le dirilwe ke Yena, gomme lefase ga se la Mo tseba.” Le a bona? O be a le Mohlodi wa dilo tšohle. Dilo tšohle! Bjale, selo se nnoši, gore re... Ga re hhole eupša re leka go sokolla, gomme bao re lekago go ba sokolla ke bona ba tlogelago le go tloga. Le a bona? Ge nako e tlela bakeng sa Lentšu go dira pontšho ya kgontha ya Lona, go swanetše go ba ka tsela yeo. Bjale, e nong go elelwa, ke nako yeo mo Modimo a gatelago ka gare lefelong la tiragalo.

¹⁰⁹ Gomme ka bophelong bja wa rena Morena Jesu, mediro ye maatla yeo A e dirilego bakeng sa ngwaga wa mathomo le dikgwedi tše tshela tša bophelo bja Gagwe, oo, ka fao A bego a le Monna yo maatla! Fao ga se gwa ke gwa ba selo go swana le Yena lefaseng, ga se gwa tsoge gwa ba ge e sa le, go ka se tsoge gwa ba morago. Eupša go diregile eng? O bile le dikwero tše ntsi go feta e ka ba mang, bohole ka moka ga bona ba beilwe mmogo. A kwerwa ke tlhago le go kwerwa ke tlholo, a kwerwa ke se sengwe le se sengwe, gobane e be e le leemong la phapogo. Ke ka baka leo dipelo tša batho di kwerilego mohlanka wa therešo wa Modimo, gobane e fapošitšwe. Tlhago e fapošitšwe, leo ke lebaka.

¹¹⁰ Ge tlhago e le ye botse bjalo ka se e lego sona, go fapošweng, e tla ba eng ge e sokologela morago go thato ya Modimo? Ge naga e ka kgona go enywa diterebe tše di tšeago monna ba babedi go di rwala magetleng a bona, e tla ba eng, le gore naga ya

go fapoga, e tla ba eng ge e sokologetše morago go Modimo? Kriste o a tla, leganata le tla khukhuša bjalo ka rosa. E tla ba tshokologo. Gomme mafelo a go oma a tla tabogela godimo go tšwa meetseng, gomme lefase le tla hloga le go khukhuša. Oo, yeo e tla ba nako, gomme ge dipelo tša batho di tla fetolelwa ka go banna ba bomodimo, bao ba bego ba swanetše go dira kgetho ya bona bjale, ba tla phela ka lefelong leo. Amene.

¹¹¹ “Iri yela ya leswiswi, kgatheng ga maswika a go phesuga le mafaufau a swiswalago,” go boletše moreti, “Mophološi wa ka o inamišitše hlogo ya Gagwe gomme a hwa; seširo se se butšwego se utlolotše tsela go mathabo a Legodimo le letšatši la go se fele.” O ile a swanelia go dira seo gore a re direle tsela. Nnete. Eupsa Modimo o dirile eng? O be a le therešo go Lentšu gomme O gokarile sefapano. Eupsa a e bile bofelo bja bodiredi bja Gagwe? A bodiredi bja Gagwe bo be bo gogotšwe? Modimo o bo rwešitše mphaphahlogo ka mphaphahlogo wo mogologolo woo o kilego wa ke wa rwešwa mphaphahlogo. O bo apešitše mphaphahlogo mosong wa Paseka, go tsogo. O rwešitše mphaphahlogo bodiredi bja wa rena Morena Jesu, O tsogile go tšwa bahung gomme o a phela go ya go ile. O be a se a gogolwa ka baka la gore banna bohole ba Mo tlogetše, O be a rwešitšwe mphaphahlogo! Ee, mohlomphegi. Ee, mohlomphegi. O be a rwešitšwe mphaphahlogo ka gobane gore O be a le, o be a tlogetše, gomme O swanetše go dira seo ge A Mo tsošitše go tšwa bahung.

¹¹² Wa go swana o be a na le Eliya. Re boletše ka yena dinakwana di se kae tša go feta. Eliya, yola wa go šokiša wa kgale moprofeta wa go onala a robetše ntle fale ka lešokeng, gomme a swanelwa ke go fepša ke se dinonyana di bego di tla mo tlišetša. Gomme letlalo la gagwe le lennyane la kgale le gogilwe, mmele wa go lebega botsotho, sedibelwana se sennyane sa oli se lekeletše lehlakoreng la gagwe, ditedu tša gagwe tšohle di tšwile, le hlogo ka kgonagalo e le lefatla le go fišwa ke letšatši, a hlotša, a theoga ka lepara ka mokgwa *wo*, eupša tlase ka fase ga pelo ye nnyane yela ya kgale go rethetha Moya wa Modimo. Ge Modimo a bone mohlanka wa Gagwe yo monnyane wa go tšofala a lapile a eya tlase bofelong, yo mongwe le yo mongwe a mo tlogela, le se sengwe le se sengwe gape, a O mo lešitše dihlong? O rometše koloi tlase, a topa mohlanka wa Gagwe yo a lapilego, “Ebile ga wa swanelia go sepelela godimo boka Henoge a dirile, Ke tla no go tšeela gae ka koloi.” Yeo ke nnete. O rwešitše bodiredi bja gagwe mphaphahlogo ka koloi ya go otlela gae. Seo ga se sa befa kudu, le a tseba. Ya. Ee, o be a se a swanelia go sepelela gae, O nno romela koloi le go mo topela godimo gobane o be a lapile. Ke rata seo. Amene. Wa go šokiša, yo monnyane, mohlanka wa kgale wa go lapa, O mo kuketše godimo gomme a mo tšeela Gae.

¹¹³ E bile ka nako yeo Daniele a emego go botega kudu go Modimo, gore o ile ka gare... Ba rile, “Monna yola, o a tseba, o

kile a ba moisa yo mogolo fa ka go mmušo wo. O boletše mehuta yohle ya dilo. Gomme o tlišitše dinoge ka gare, o ba rutile dilo.” Le Bamede le Baperesia le ka fao a dirilego. Eupša ka tlase ga pušo ya Dario, e bile Daniele yo a dutšego a botegetše Modimo. E bile Daniele yoo a šetšego le Lentšu la Modimo gomme a se tswakane lee ka ba eng gape. Gomme o rile, “Gabotse, bodiredi bja gagwe bo gogotšwe, gobane ke e bone ka pampiring ya selegae, o ya go lahlelwa legolong la ditau mo matšatšing a se makae.” O ya kgolegong ya Feterale, goba se sengwe, le a bona. “Eupša re ya go mo lahlela ka legolong la ditau.” Eupša Modimo o dirile eng? Modimo o tswaletše bodiredi bja Gagwe ka phetogo ya pelo ya kgoši, gore Dario o rometše leleme le lengwe le le lengwe, batho go kgabaganya lefase, gore motho yo mongwe le yo mongwe a boife Modimo wa Daniele, gobane O be a le Modimo yoo a kgonnego go hlakodiša. Amene.

¹¹⁴ Kafao, le a bona, ke ka nako yeo ge banna ba tlogela batho, bahlanka ba Modimo bao ba dulago go rereša go Lentšu, gore Modimo o tswalela bodiredi bja bona ka nako ya go rwešwa mphaphahlogo.

¹¹⁵ Ee, e be e le bana ba Bahebere ka tlase ga pušo ya Nebukadinetsara, ge ba se ba khunamela seswantšho. Ba dutše therešo go Modimo ka gobane Modimo Lentšu o rile, “Le se ke la khunama pele ga seswantšho e ka ba sefe, go se rapela.” Ba dutše go rereša go Lentšu. Gomme e be e le pampiring ya selegae, ka ditabeng, tšohle ka yona, e ka ba eng e bilego ka go wona matšatši. Ba bile le ditsela tša go phatlalatša ditaba. E segó ka go kuranta ya selegae, ka nnete aowa, go no bolela seo gore le be le kgopolo tsoko. Eupša go be go le ka fale ba be ba eya go ba tšuma ka leubeng la mollo makga a šupa fišifiši. Lebaka la matšatši pele ga fao, ba lahletše ka gare materiale wohle go dira leuba go fiša kudu gore le be le fiša makga a šupa, le bešeditšwe makga a šupago fo feta. Gobaneng, le ka be le ba tshumile, go tla dijarateng tše lekgolo tša lona. Eupša ba ile thwi ka leubeng la mollo, gomme ba tla ntłe thwi ebile ntłe le monkgo e ka ba ofe wa mollo go bona. Gomme Nebukadinetsara o rile, “Motho yo mongwe le yo mongwe yoo a šitwago go rapela Modimo yo, a nke bana ba gagwe le yena ba bolawé, ntło ya gagwe e tšhungwe gomme e dirwe mmoto wa boloko.” Yeo ke nnete. Le a bona? O... Ba bile le tsošeletšo ya lefase ka bophara gobane ba be ba botegela Lentšu. Seo ke se se diregago. Ee, mohlomphegi. Ema go botegela Lentšu, ee, gomme ka mehla go lefela go kgahliša.

¹¹⁶ Jakobo, re mmoletše lebakana la go feta. Ke na le leina la gagwe le ngwadilwe fase mo. Šo o be a le, lefsegä le lennyane, eupša o be a dula. O be a boifa Esau godimo kua. Nna, nna! Gomme o tsebile o be a le kgole go tloga go Modimo. Go ba kgole le Modimo mengwaga ye yohle, eupša ka mehla o lekile go dula a rereša go Lentšu lela. Gomme mo Modimo o mmiditše le go mmotša go ya legaeng la gagwe. Šo o be a le thwi ka mothalong

wa mošomo, gomme go be go na le Esau ka madira. E bile ka nako yeo mo a fetotšwego go tloga leineng la *Jakobo*, “mofori, radihlonyana,” go ya go Jakobo . . . “kgošana pele ga Modimo,” ge a sepeletše ntle mosong wo o lateLAGO, ka bodiredi bja gagwe bo rwešitšwe mphaphahlogo. O sepeletše ntle thwi le go kopana le Esau, gomme a se nyake thušo go tšwa go yena. Amene. Therešo go Lentšu. Yeo ke tsela ye Modimo a dirago dilo, a ga se yona? O—O dira dilo ka tseleng ya Gagwe Mong. Go lokile.

¹¹⁷ Ba bantši ba baena ba ka, ba na le botsebalegi bjo bogolo lehono magareng ga baena ba bona ba kerekeleina. O no bolela leina le tee, šaatena, gomme go no swana le mollo, kae kapa kae, yeo ke nnete, o bolela leina le itšego le la motho yo. Gomme, ka morago ga tšohle, ge Morena a boletše le nna tlase nokeng letšatši lela, go eteletšepele tsošeletšo yela go dikologa lefase, go tšwa fao go tla yo mongwe le yo mongwe wa baebangedi ba bagolo bale.

¹¹⁸ Ba ile morago le baena ba bona, le a bona, dikerekemaina tšela ka moo di tšwago gona. Ba tlide ntle mo le go swara kopano ye, ba hlakahlakane godimo le dikerekemaina, ba ya thwi morago ka go tšona gape. Ba na le a mantši a go ratwa, maina a magolo mo seyale moyeng, dipampiring, le se sengwe le se sengwe. Yo mongwe le yo mongwe o bolela gabotse ka bona.

¹¹⁹ Eupša batho bohole ba ntlogetše ka gobane ke tšere Lentšu la therešo, gomme ke eme ka Lentšu. Ke dutše thwi mo go se A se boletšego go nna, ke rerile Lentšu, e sego filosofi ya kerekeleina. “Rera Lentšu,” yeo e be e le thomo ya ka, “dula le Lentšu.” Gomme, baena, ba ba theeditšego se godimo ga theipi, Ke be ke le mothaka yo mogolo ge ke etla magareng ga lena, go no fodiša balwetši, go bolela ka dipono le go bontšha dilo. Eupša ge ke ile go le botša Therešo ka Lentšu, le mphuraletše bakeng sa eng? A le a lemoga e no ba go phethagatša se Lengwalo le se boletšego? Ee, e dira ka tsela yeo. Bjale ga ke kgone go tsena lefelong.

¹²⁰ Lengwalo le tla nako yohle. Yo motee o tlide letšatši le lengwe, a re, “Ngwanešu Branham, ke bile le tshepo ye kgolokgolo ka go wena, eupša ke kwele o bolela gore kerekeleina ye e itšego yeo ke lego wa yona e be e kgeloga.” O rile, “Ga ke sa na tshepo go wena le gannyane bjale, go tloga bjale go ya pele.” O rile, “Go be go ka ba masomepedi tlhano a baena ba kerekeleina ya ka ba dutše ka go ye nngwe ya dikopano tša gago,” o rile, “re no ba—re ile thwi godimo gomme ra tloga ge o boletše seo.”

¹²¹ Gabotse, batho bohole ba ntlogetše, eupša go ne selo se tee, O eme hleng le nna! . . . ? . . . Ga ke, ga se ka se obamele pono ya Legodimo ye e diregilego tlase kua nokeng. Ke dutše therešo go yona. O bile therešo go nna. Ke tshepetše go Yena, letšatši le lengwe, ga ke tsebe neng, bakeng sa go rwešwa mphaphahlogo ga bodiredi bja ka. Ke dutše feela therešo ka mo ke kgonnego go ba. Ga ke tsebe se e tla bago sona. Ga ke tsebe e tla ba neng. Gomme nna, feela ge A le komana, ke gona. Ga ke tshwenyege. Ke a holofela O tla rweša bodiredi bja ka mphaphahlogo go se, sa

go ntira gore ke tsee diaparo tša Lentšu, le go apeša Monyalwa wa Gagwe ka go seaparo sa Lentšu, le bakeng sa toko ya Gagwe. Ke a holofela O tla mpha mphaphahlogo, a nke ke eme ka letšatši leo, ke re, "Bonang Kwana ya Modimo ye e tlošago sebe sa lefase."

¹²² Go ne dithaba tše dintši kudu go namelela godimo, ngangego, nako ye nngwe e ba boima; eupša Yena yo šupago tsela, o tseba feela se e lego se sekaoekaone. O tseba se e lego se sekaoekaone kudu. "Maitapišo a tsela a tla bonala e se selo, ge re fihla bofelong bja tsela." A re tsomeng kgato yela ya madi. E nong go elelwa, bagwera, "Lešabašaba le gogotšwe ka go dikgato tša Mosetsebje yola mo lešing la Galelia; gomme segalontšu seo se bobamišitšego maphotho a makgwakgwa, se ka se sa kwewa ka Judea gape. Eupša tsela ya mosepelanoši yola wa Mogalelia, ke tla e latela ka thabo lehono; gomme maiteko a tsela a tla bonala e se selo, ge ke fihla bofelong bja tsela."

¹²³ Ka go karolo ye ya mathomo ya Lengwalo ke le badilego, gomme O mphile, ke be ke le lesogana, feela mošemané, ke eme ntle fale, magetla go otlologa, sefega se tekotšwe ntle, letšhogo la monabo, moriri wo moso. Gomme bjale ke eme ka magetla a go kobama, hlogo ya lefatla, e pudufala, mokgalabje wa masometlhano tharo a mengwaga bogolo. Eupša O bosana kudu ge matšatši a feta. Gomme ga se ke tšhabe go kwalakwatša go lena Ebangedi ka moka ya Jesu Kriste. Gomme tlhologelo ya pelo ya ka ke go kopana le Kereke ye A e hwetšego, e apere toko ya Madi a Gagwe Mong, e apere Lentšu la Gagwe le toko ya Lentšu la Gagwe, ka gore Lentšu la Gagwe le ka se tsoge la palelwa. Gomme ka fao, ke a tseba ge nka ema ka Lentšu le go ba therešo go Lentšu, gomme ge Lentšu le dula ka go nna gomme nna ka go Yena, ka letšatši leo ke tla thaba gore ke dutše therešo.

¹²⁴ Ga ke tsebe se bokamoso bo se swerego, eupša le bona moo re lego, a ga le? Le a bona gobaneng yo mongwe le yo mongwe a bolela, eibile go ba bangwe ba badirišani ba ka mong, ba rile, "Gobaneng, Ngwanešu Branham o gogotšwe gohle." Le a bona? Ya. "O gogotšwe gohle." Le a bona? "Aa, ga re sa kwa bontši kudu bo dirwa." Le a bona? Gabotse, re... Ba no se kwešiše, seo ke sohle, feela ga ba e kwešiše. Le a bona?

¹²⁵ Ke nagana selo se segologolo kudu seo Paulo a se nyakilego, ge a rile, "Nako ya ka e fedile bjale," tlhologelo ye kgolokgolo ya pelo ya Paulo e be e le go ba mohwelatumelo. Yeo e be e le tlhologelo ya dipelo tšohle tša bona ka go ona matšatši. Ge ba... A le kile la bala *Foxe's Book Of The Martyrs*, gomme gape la bala gape *Nicene Council?* Tlhompho ye kgolokgolo kudu e ka kgonago go ba, ge ba go fapano (le Polycarp le bona) ba sepeletše ka legolong la ditau, ba goeleditše ka thabo. Ba sepeletše ka kua ba tseba gore ba be ba eya go ba mohwelatumelo. Ge ba tšhumilwe koteng, ba goeleditše ka lethabo, bakeng sa tlhompho ya go ba mohwelatumelo. Ge Paulo a sepeletše tlase go kota yela ya go rema, go ba le hlogo ya gagwe e ripilwe, a hlahlilwe

go tšwa kgolegong yela, lefelo le lennnyane la kgale la maraga tlase fale, ka molete ka lebotong, moo ba bilego le yena. Ke sepeletše tlase fale gomme ka e lebelela. Lebitla le lennnyane la kgale morago fale moo ba gogomeleditšego mmele wa gagwe ka go lona. Gomme bjale ba nyaka go mo dira mokgethwa goba se sengwe gape. Sehlopha sa go swana sa batho! Fao o sepeletše tlase kua. O rile, “O lehu, lebola la gago le kae? Lebitla, phenyo ya gago e kae? Eupša a go lebogwe Modimo Yo a re fago phenyo ka Morena Jesu Kriste. Ke lwele ntwa ye botse. Ke weditše tema. Ke bolokile Tumelo. Go na le mphaphahlogo o beetšwego nna godimo, gomme e sego feela go nna, eupša bohle bao ba ratago go bonagala ga Gagwe.”

¹²⁶ Re tlide tlase go temana ya 6 bjale, go ya go ya 18. Ga ke tsebe se e tla mpalelago, eupša ke no le tsopolela feela se e se badilego bakeng sa ba bangwe. Gomme ke ya go tšwelapele go dula therešo go Lentšu go fihla A feditše. Fao ke mo bodiredi bo lego lehono. Ga se ka gogolwa. Ke a holofela ke nno gogolwa ka gare. Yeo ke yona. Yeo ke nnete. A re inamišeng dihlogo tša rena bjale ge re rapela . . . ? . . .

¹²⁷ Go na le thapo ye nnyane e obeletšago tlase go tšwa Teroneng bošegong bjo, e bitšwa mothalo wa Bophelo. Ge ke sa rapela, ke a holofela e goga hleng le yo mongwe le yo mongwe motho wa go se sokologe ka fa. A o ka se obeletše le go e swara, mogwera modiradibe? O re, “Ngwanešu Branham, o rile o be o tšofala, gomme ke a thanka ke ka baka leo o . . .” Aowa, ngwanešu, kgaetšedi. Ge ke be ke sa no ba mošemane yo monnyane, ke dumetše Le. Ke neetše bophelo bja ka bakeng sa Lona. Gomme go na le boitsholo botee feela ke nago nabjo, ga ke na le eupša bophelo bjo botee go bo fa. Ge nkabe ke na le maphelo a dikete tše lesome ke be ke tla nyaka go a fa ohle bakeng sa Lona. Ya.

¹²⁸ A o ka se tsee go swara Mothaloo ge o feta kgauswi bošegong bjo, tsela ya gago? O re, “Ngwanešu Branham, ga ke na maswanedi go E swara.” Ke a tseba ga o yena, ngwana. Eupša o ya go dira se sengwe go swanela, le go mpotša se o se dirilego, ke nyaka go se dira, le nna. Ga go selo o ka se dirago go ba le maswanedi. O tswetšwe o hloka maswanedi. Go selo se tee feela o ka kgonago go se dira, e no tsea go swara tsela ye e go diretšego. O a nwelela, o se ke wa nwelela ka go woo. Modimo o lahletše ntle mothalo wa Bophelo, a re—a re obeletšeng gomme re le hwetše bošegong bjo.

¹²⁹ Tate wa Legodimong, ke elelwa thwi fa ka go teseke ye ya go swana, lefelo le la go swana moo ke boletšego ka yona mosong wola, gore ge ke be ke gafela kereke thwi godimo ga mobu wo mo. Gomme letlapasekhutlo lela le robetše fale, le sa swareletše letlakala go tšwa go Beibele leo ke ngwadilego yeo. Ke rile, “Morena Jesu, ka mogau wa Gago ke tla dula therešo go Lentšu.” Gomme bjale ke a bona e tšweleditše feela tlwa se e se dirilego ka dinako tše dingwe. Gomme ke nna yo ka tabarenekeleng ye

bošegong bjo, morago ga go sepela lefase, morago gape, gomme letlapasekhutlo le lennyane le sa letše fale gomme lephephé le ka go lona. Mphetleke, Morena Modimo. Ke dirile diphoso tše dintši. Ke—ke dirile phoso, Morena. Makga a mantši ke Go senyeditše, bjalo ka ge ke sa tso paka nakwana ya go feta ka ga go šitwa. Modimo, ke—ke, ka pela ge ke e dira, ke—ke—ke nyaka tebalelo. Ka pelong ya ka ke a Go rata. Ke—ke a tseba O ntaeditše go se kgale mabapi le lefelo leo re yago. Ga ke tsebe gore O feditše neng le nna bjale, Morena. Ke—ke mo bošegong bjo, ke...ka mogau wa Gago. Gomme ga—ga ke tsebe gore O feditše neng, eupša ke a tseba se se swanetše go tla go se. Eupša ge go etla nako yeo, ga—ga ke nyake go ba lefsegä. Ke nyaka go ema boka ka moka ga bona ba eme. Eupša, Modimo, ge—ge—ge ke swanetše go tswalela bopaki bja ka ka bophelo bja ka mong, goba e ka ba eng e swanetšego go dirwa, Morena, bo rweše mphaphahlogo gona. E sego go nthweša mphaphahlogo; rweša bodiredi bjo ke bo rerilego mphaphahlogo, Morena, ke Lentšu la Gago. Gomme ke a tseba gore Lentšu le ka godimo ga go kgonia go ntsoša gape mo tsogong. Gomme ga ke lewe ke hlong ka Lentšu le ke le rerilego, ka gobane Ke maatla a Modimo go phološo go ba bantši bjalo ka ge ba dumela.

¹³⁰ Ke a Go leboga bakeng sa kereke ye nnyane e sa emego lehono. Ge ke tsere boemo bjoo bakeng sa Lentšu, baprofeta ba profetile gomme ba rile, “Mo dikgweding tše tshela e tla fetoga karatšhe.” Mengwaga ye masometharo e fetile, o mollo kudu lehono go feta ka mo e bilego mengwageng. “Godimo ga leswika le Ke tla aga Kereke ya Ka.” Re leboga Wena ka modiša wa rena. Re leboga Wena ka matikone, bahlokomelaphahlo. Bohle re na le karolo ye nnyane go e bapala, Morena, gomme re nyaka go e bapala ka potego, re nyaka go e bapala gabotse.

¹³¹ Go ka no ba ba bangwe ka mo ba ratago go tšoenana le rena bošegong bjo, Morena. Gomme ka tsela ye ba tšoenago, e no ba go tše go swara Lešikabophelo le lennyane le le go ya go goga, ba Le phuthela go dikologa letsogo la bona, ba Le tlema go dikologa pelo ya bona, gomme ba re, “Bjale, Morena, goga, nkukele godimo,” gomme ba tla tla pele le go phadima bjalo ka gauta. E fe, Morena. Re lebeletše nako yeo.

¹³² Re a dumela gore e kgauswi le bofelo. Re bona gore bjalo ka ge re be re ruta fa, Lebaka la Kereke ya Laodikia bjale le a kgatlampaña, re a bona go ka se kgone go ba selo gape se diregago eupša go Tla ga Morena. Gomme, Morena, a yeo e ka se be mphaphahlogo wo mogolo wa Lentšu, go bona Mphaphahlogo Yenamong a etla? Ke tla rata go be ke eme fa le go re, “Yena šole, yola ke Kwana.” Boka Johane a dirile. “Bonang Kwana yeo re bego re e letile, yo ke Yena.” Morena ka pela o tla tla tempeleng ya Gagwe, a tseela batho ba Gagwe ka Tlhatlogong.

¹³³ Re dire komana, Tate. Hlatswa dipelo tša rena ka Mading a Gago. Re dire go seká le go hlweka, gore Lentšu la Gago le

dule ka go rena. Gomme a nke re gopole gore re swanetše go dira godimo ga Lentšu, gore Lona le tsee go swara le go ba le maatla. Efa modiradibe yo mongwe le yo mongwe tshokologo. Šegofatša yo mongwe le yo mongwe yoo a lego ka fa. Bakgethwa, bao, ba bangwe ba bahlabani ba bohlokwa ba ba kgale, Morena, ba be ba elwa go bapa le mothalo lebaka la mengwaga, ba dirilwe metlae, go bolelwa le go nyefolwa. Ba sa ya pele gobane ba ne Bophelo. Ba tseba gore ke Mang yo ba mo dumetšego, le go kgodišega gore O kguna go boloka seo ba se gafetšego go Yena. Re a Go leboga bakeng sa seo. Re a rapela gore O tla fodiša balwetši bao ba lego magareng ga rena. Tloša ka moka dibe tsa rena le malwetši. Gomme, Tate Modimo, hwetsa letago go Wenamong.

¹³⁴ Ke na le bagwera ba bantši ba bohlokwa kudu, Morena. Ke—ke a ba rata, gomme ke a tseba banna ba bangwe ba tlase go kgabola lebaka, le bona. Bagwera ba bohlokwa, bagwera ba go ratega, baswa le batšofe, gomme re ba rata ka pelo ya rena yohle. Bjale re dire therešo, Morena, feela go rereša go Lentšu, gore re ke re kopane le bona ka nageng ye kaonana letšatši le lengwe moo go ka se tsogego gwa ba manyami le mahloko. Re lebeletše go Tla ga Morena, ka pela. Re a dumela gore O tla tla.

¹³⁵ Bjale šegofatša mosedumele mo bošegong bjo, Morena, gomme a nke a be modumedi le go Go amogela bjalo ka Mopholoshi wa gagwe bošegong bjo.

¹³⁶ Gomme ge re sa ne dihlogo tsa rena di inamišitšwe, ge go ka ba yo mongwe fa ka hlogo ya gago e inamišitšwe, a ka re, “Ngwanešu Branham, tlasetlase botebong ka pelong ya ka, ke—ke nyaka go tla bofelong bja tsela, go lweng ntwa ye botse. Ke nyaka go ba Mokriste. Ke ya go phagamišetša seatla sa ka godimo.” Modimo a go šegofatše, gomme Modimo a go šegofatše. Seo ke se sebotse. Modimo a go šegofatše, wena. “Ke nyaka go tla bofelong bja tsela ya ka, ka ntwa ye botse morago ga ka. Ke amogela Kriste gonabjale. Ke nyaka A be Mothuši wa ka.” Go lokile, Morena a go šegofatše. Modimo a go šegofatše, mohumagadi ka morago. Seo ke se sebotse. O—O a go tseba. Ke ithutile go lekanelka ga Yena mo mengwageng ye yohle, e ka ba mengwaga ye masometharo pedi bjale ka morago ga phuluphithi, Ke ithutile go lekanelka ga Yena bjale go tseba gore O tseba mosepelo wo mongwe le wo mongwe woo o o dirago. O bona phorogohlo. Meriri ya hlogo ya gago e badilwe. Le a bona, O tseba tšohle ka yona. O no phagamiša seatla sa gago, le go e ra, ke sohle o swanetše go se dira. Gomme go ne meetse a komana.

¹³⁷ Elelwang, le dira eng? Lena sokologang, dumelang go Ebangedi, gomme morago le kolobetšwe (Bakeng sa eng?) bakeng sa... Leineng la Jesu Kriste, bakeng sa tlošwa ga dibe tsa lena. Bjoo ke bopaki bja lena, gore le gona. Dibe tsa gago di ile ge o kolobetšwa; o ipoletše tšona, gomme o a dumela. A o ka se sware Lešikabophelo bjale ge Le goga go kgabaganya pelo ya gago, gomme wa re, “Eta ka tsela ye, moeti. Eta le Nna, tšeela

sefapano sa Ka godimo ga gago. Ithute ka Nna, Ke yo boleta le go ba fase pelong, gomme merwalo ya Ka e bohwefo.” E no obeletša gomme o E sware.

¹³⁸ Ke ba bakae Bakriste ba lego ka Tseleng bošegong bjo, ka fa, bao le thabilego gore le thomile nako ye telele ya go feta? O dirile go thoma ga gago, le tsela tlase tseleng, o sa tla tlase go leba mafelelong. Ke a rapela gore Modimo o tla rweša bodiredi bja gago mphaphahlogo, eng kapa eng e lego yona. E ka no ba mosadi wa lapa. Ke a rapela gore Modimo o tla rweša bodiredi bja gago mphaphahloholo. E ka no ba moreri. E ka no ba motikone. E ka no ba moleloko feela. E ka no ba molemi. Ga ke tsebe se e lego sona. E ka ba eng e lego, a nke Modimo a rweše bophelo bja gago mphaphahlogo ka letago la Lentšu la Gagwe, le go Tla ga Gagwe la Bobedi go go hlatloše le go go tseela kgole ka go Naga ye nngwe moo o tla nogo ikwela boka hlapi yela ye nnyane ke boletségo ka yona, go tšwa go boso bjola tlase fale. Le a bona, o be o ka se kgone go ya godimo Kua ka mohuta wo wa mmele. Ebile o ka se kgone go ya godimo boka diphatšamaru tše, le a bona, o swanetše go ba ka go tanka ya go tlatšwa moy. Ga wa tlatšwa moya bakeng sa yona. Eupša ge Modimo a go fetola, o tlatšwa moya gona, o ya ka go Tlhatlogo nako yeo. Ge dikwi tše tša kgale tša lefase di lahlegile, gomme o ile pele ka go tsela yela ya letago ya sefapano, o eya Gae le Jesu.

¹³⁹ Bjale, Tate Modimo, re a Go leboga bakeng sa diatla tše tše di tlago godimo bakeng sa go ba Bakriste. Ke a dumela gore ba be ba e ra ka dipelong tša bona. Ke a ba rapelela, gore ba ka se palelwé nako ye nngwe le ye nngwe. Gomme ge ba palelwá, ka pela ba ka no ba le Moemedi yola le Tate. Yeo ke ithutilego go ba selo se segolo bjalo, Tate, gore ge ke dira diphošo tša ka tšohle, gona ke hwetša gore ke na le Moemedi, thwi ka pela, le Tate, ka Jesu Kriste. Gomme ke tlišwa morago ka go mogau gape. Seatla sa lerato sa Morena se a phumula, go na le Sehlabelo sa madi se robetše kua seo ke ipolelago go ba Mopholoshi wa ka.

¹⁴⁰ Bohle bao ba babjago le go hloka, ke a rapela gore O tla fa ditlhoko tša bona le go fodiša malwetši ohle, Morena. Gomme bao ba lego mo bjale ba dutše ka tlase ga tlotšo ye ya letago ya Moya wo Mokgethwa, ge re ikwela Ona ga bose o tšhologela godimo ga disoulo tša rena.

¹⁴¹ Tate Modimo, O tseba se ke bego ke nagana ka sona go tšwa tlase Canada letšatši le lengwe. Ke naganne, “Oo, ke tla rata bjang go tsena ka go tsošeletšo ya fešene ya kgale gape, gomme feela bakgethwa ba Modimo, ba opela, le maatla a Modimo, a ewa.” Oo, pelo ya ka e hlologetše bjang, Morena. A nke fao go phulege tsošeletšo ye bjalo ka tabarenekeleng ye, oo, gore maatla a Modimo a tla—a tla no tšhologela fase ka go meela ya mogau, go ya ka pelong ye nngwe le ye nngwe.

¹⁴² Ke a Go leboga bakeng sa lefelo le lennyane le, Morena. Re be re sa kgone go e boloka ka tsela ye, e bile mogau wa Gago wo

o e bolokilego semoya. Gomme bjale ke a dumela, Morena, lefelo le lennyane la semoya kudukudu ka setšhabeng, leo ke tsebago ka lona, le thwi mo ka Eighth le Penn Street. Ke Go leboga bjang bakeng sa le, Morena! Go ya ka dikerekeng le go ba bona ba tonya le go fapana, le basadi ba ne sebete kudu gore ebile ga ba kgone go galoga sefahlego, gomme go se “amene” goba mogokgo lerameng, goba go se selo, gomme ga go pholosha, ga go selo eupsha feela go tsöena kereke ya bona le go bolela thutotumelo ya bona. O Modimo, gona etla ka go lefelo le lebose le lennyane la borutho moo mello e agilwego godimo ga aletara ye nngwe le ye nngwe ya pelo ya bona. A khomotsö e lego yona, Tate! A khomotsö! Ke a Go leboga, Tate, gomme a nke e dule go fihlela go Tleng ga Morena Jesu. Re šegofatše mmogo bjale.

¹⁴³ Gomme gosasa ke Sabatha. Gomme, Morena, nthuše mosong, ge go ka ba sebaka sa ka go rera ka *Go Bala Go Ya Fase*. Modimo, a nke ke kgone go e tliša ka tsela ye bjalo go fihla batho ba tla e bona, Morena. Gomme bjale a nke ba bone seemo sa bodiredi, le moo bo lego, le se re se letetšego, gomme gobaneng se sengwe le se sengwe se eya ka tsela ye se lego. A nke ba bale go tloga go temana ya 5, gomme ka gona ba lemoge lefelo le re emego.

¹⁴⁴ Gomme bjale, Tate, ke a rapela gore O tla re šegofatše le go re fa khutšo ye botse mebeleng ya rena, le go re tliša morago gosasa. Šegofatše batho ba bohole ba emego go dikologa maboto, le go itshama go tloga leotong go ya go le lengwe. Basadi, banna, bao ba emago ntle ka puleng ntle kua, le go dikologa mafastere, le go dula ka dikoloing tša bona, le gohle godimo le fase. Ke a rapela gore O tla ba šegofatše, Morena. A nke ba ye gae ka mogau wa Modimo ka pelong ya bona. Ke rapela ka Leina la Jesu. Amene.

¹⁴⁵ A le a kwešiša bjale? Balang go tloga, sa pele, Timotheo wa Bobedi 2:4, Timotheo wa Bobedi 4, go tloga go temana ya 5 go theoga, pele le eya malaong bosegong bjo, ge le ka kgona, gomme le tla bona moo re lego. Gobaneng bona banna ba mo tlogetše? Gobaneng ba se ba tla? Gomme bjale e nong go bapetše bodiredi bjola le se re yago go se kgabola lehono. Bapetše thuto ya Mokgethwa Paulo. Elelwang ka go selo se sennyane sa Legodimong seo ke se bonego, ke rile, “Gabotse, a Paulo o tla swanela go ema le batho ba gagwe?”

Ba rile, “Ee.”

¹⁴⁶ Ke rile, “Ke rerile Lentšu la go swana a le dirilego, feela tlwa, ke dutše le Ebangedi ya go swana.”

¹⁴⁷ Gomme dimilione tša fošetše diatla tša bona godimo le go re, “Re khutšitše godimo ga Seo.”

¹⁴⁸ Morena a le šegofatše. A le a Mo rata?

Go fihla re kopana! Go fihla re kopana!
Go fihla re kopana!



LEGATO LA BJALE LA BODIREDI BJA KA NST62-0908
(Present Stage Of My Ministry)

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mantšiboa, Setemere 8, 1962, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org